

Mak

Ölöwak Buḡa Maknön ohoyök.

Jim-asa-asari

Mak namḡi qetḡi Maria, iwiḡi qetḡi qahö mötzin. Jerusalem siti tonḡi malget. (Aposol 12.12) Nanḡi kösohotḡi kun qetḡi qahö qeta boḡ 14.51-52 miaḡgöreḡ ohoi ahöza. Pitönön bauköm waḡḡiiga uruḡi meleḡniga Buḡa kusum waḡḡiyök. Waḡḡiiga numbutḡi Barnabas aka Pol yetpuk liliköba misin nup memba anda Pol mosöta deḡnohot. Deḡnohotka toroqeba nup memba mala Buḡa kösohot mohok mohok qezaköba mindiriba kian kantri yeḡḡöra Griḡ keunön ohoyök. Jisösgö keuḡi mi Arameik. Mi “Eli eli lama lama sabaktani,” miaḡḡö dop.

Jisösnön urugö nupḡi denöwö memba Anutugö Nahönḡi aka ambazip bauköm eḡḡiba malöhi, Maknön keu mi jim asariba ohoyök. Jisösgö nupḡi bohönḡi karöbut: Buḡa kusum eḡḡiyök, ömewöröme közöl eḡḡiyök aka siḡḡisöndok mosöta kawölḡi kawölḡi mem ölöwahök.

Buk kiaḡḡö bahönḡi bohönḡi 6 mi kewö:

Keu mutukḡi: Jon aka Jisös 1.1-13

Qenjarök nup Galili uruḡe meyök 1.14–9.50

Galili mosöta Jerusalem anök 10.1-52

Jerusalem Sonda mohok mala kömuyök 11.1–15.47

Jisösnön kömupnöhök wahörök 16.1-8

Wahöta asuhuba Suepnön öḡḡöyök 16.9-20

1 ¹Amötqeḡe Tonḡi Jisös Kraist mi Anutugö Nahönḡi akza. Nönön yaḡḡö Ölöwak Buḡaḡi könahiba ohozal.

Jonön Jisösgö köna mesarök.

Mat 3.1-12; Luk 3.1-18; Jon 1.19-28

^{2a}Anutunön Suep uruḡe Nahönḡaḡḡöra keu kun jiiga kezapqetok azi Aisaianön mi ohoiga yaḡḡö Buzup Kimbinön kewö ahöza,

^a 1.2 Mal 3.1

“Mötnöŋ. Nöŋön kolek garatani kun melaibiga qeljiŋe anda ambazip uruŋini mindiŋgöba göhö könagi mesariga göŋön yaŋgö andöŋe gölmenöŋ geman.”

3 ^b“Kolek garata kunöŋ gölme qararaŋkölkölŋe qeta maliga anda qetŋi kewö mötme, ‘Kembunöŋ kamawo! Mianŋgöra mönö jöjöröba könani mesatket. Mönö uruŋini mindiŋgöba könani qölöleiget.’”

4 Keu mianŋgö dop azi kun qetŋi Jon asuhuyök. Qetŋi alaŋi O-melun azi. Asuhuba gölme qararaŋkölkölŋe mala kinda Buŋa keuŋi kewö jiba malök, “Iŋini mönö uruŋini melengetka nöŋön o melun mem eŋgimam. Mewö aketka Anutunöŋ siŋgisöndokŋini ŋaŋgoŋda mosötma.” ⁵ Mewö jiba maliga Judia prowinsgö miriŋi pakpak aka Jerusalem siti yeŋön kambuŋi kambuŋi köla öröba Jongöreŋ kaget. Kaba kaŋgota siŋgisöndokŋini jim miwikŋaigetka Jonöŋ i Jordan o töwatŋe o-melun mem eŋgiyök.

6 ^c Jongöreŋ silepöke mi kamel juŋŋan memeŋi aiga kemaŋe örigit sömbup sileŋan memeŋi mi jöhöba malök. Neneŋamŋi mi gawöt jinam aka arökŋaŋgö moroŋ oŋi, mia namba malök. Mi pakpak kezapqetok azi Elaija (Elia) yaŋgö dowo. ⁷ Jonöŋ keu kewö jim asariba malök, “Nöŋgö andöne azi kukösumŋi köhöikŋi kun kama. Yaŋgö kukösumŋi öŋgöŋgöŋan mönö nöŋgöreŋ oŋgitma. Yaŋön azi öŋgöŋgöŋi akŋawaŋgöra nöŋön yaŋgö köna esuŋaŋgö kösöŋi bauköba pösatmamgö qötötaŋgömam. ⁸ Nöŋön o töhönöŋ melun mem eŋgizalmö, yaŋön mönö Uŋa Töröŋan melun mem eŋgima.” Mewö.

Jonöŋ Jisös o melun mem waŋgiyök.

Mat 3.13-17; Luk 3.21-22; 4.1-13

9 Nalö mianŋgöreŋ Jisösönöŋ Galili prowinsgö miri Nazaret mianŋgöreŋök Jongöreŋ kaiga Jordan o töwatŋe o-melun mem waŋgiyök. ¹⁰ Mem waŋgiiga onöhök koriga mianŋgöreŋök Suepnöŋ aŋaŋiiga Jisösönöŋ uba ehiga Uŋa Töröŋi melenŋa kembö nei ewö aka Jisösgö qakŋe eta meöyk. ¹¹ ^d Mi ehiga Suep mireyök keu kun kewö asuhuyök, “Göŋön mönö nani wölböt nahöni aknöŋga köroni ölöwahiga geknahöm ak gihizal.” Mewö.

Satanöŋ Jisös esapköba malök.

Mat 4.1-11; Luk 4.1-13

¹² O melun mem waŋgiiga mianŋgöreŋök Uŋa Töröŋan Jisös kuŋgum waŋgiiga gölme qararaŋkölkölŋe anök. ¹³ Anda wehön 40 mianŋgö dop mianŋgöreŋ maliga öme bohonŋini Satan yaŋön esapköm waŋgiba malök. Sömbup kalŋi mienŋgö sutŋine maliga Suep garata yeŋön bauköm waŋgiba malget. Mewö.

^b 1.3 Ais 40.3 ^c 1.6 2 Kiŋ 1.8 ^d 1.11 Jen 22.2; Sum 2.7; Ais 42.1; Mat 3.17; 12.18; Mak 9.7; Luk 3.22

Jisösnöŋ gwarekurupŋi mutukŋi engoholök.

Mat 4.12-22; Luk 4.14-15; 5.1-11

¹⁴Könaŋgep Jon kösö mire alget tariga Jisösnöŋ nalö miangörej Galili prowinsnöŋ lilingöba anök. Anda Anutugö Ölöwak Buŋaŋi jim asariba malök. ¹⁵Jim asariba kewö jiyök, “Anutunöŋ bemtohoŋi almawaŋgö nalöŋan mönö dopdowiza. Anutunöŋ nalö aliga mala malgetka dölki akza miangöra mönö uruŋini melenđa Ölöwak Buŋa möt nariget.” ¹⁶Jisösnöŋ mewö jiba liliköba mala Galili o aŋgögö göraŋe mötöteiba anda söra örörö azi yahöt ekehök. Qetŋiri Saimon, munŋi qetŋi Andru. Yekŋön mösakŋiri o aŋgönöŋ söra öröbitköra gila malohot. ¹⁷Jisösnöŋ etkeka kewö jiyök, “Aziyahöt, iŋiri mönö ni nuatangöba kayöhotka kusum etkibi ambazip söra ewö öröm engimakŋahot.” ¹⁸Mewö jiiga miangöreŋök mösakŋiri mosöta könahiba Jisös wuatangöba anöhot. ¹⁹Jisösnöŋ yetpuk borom kun toroqeba anda Zebedigö nahönŋi Jeims aka munŋi Jon ekehök. Yetköŋ mewöŋanök waŋgenöŋ tata mösakŋiri möhamgöba jöhöba malohot. ²⁰Malohot ekeka miangöreŋök etkoholök. Etkoholiga iwiŋiri Zebedi aka moneŋ nup aziurupŋi waŋgenöŋ engömosöta könahiba Jisös wuatangöba andöŋe anohot. Mewö.

Jisösnöŋ öme kun wuatangöyök.

Luk 4.31-37

²¹Mewö mohotŋe anda Kaperneam sitinöŋ aŋgotketka Sabat kendon aiga Jisösnöŋ miangöreŋök köuluk miriŋine öngöba Buŋa kusum engiyök. ²²Köna keugö böhi ewö qahöpmö, kukösum ahöm waŋgiyöhaŋgö dop kusum engiba ahakmemeŋaŋgö dop akŋegöra jiyök. Miangöra könaŋesö yeŋön mi eka auruba welipköget.

²³Köuluk miriŋine miangörej nalö miangöreŋök azi kun ömeŋambuk tariga öme miangön qetŋi kewö qerök, ²⁴“O Jisös, Nazaret asia! Gi wania ak neŋgimangö akzane? Mönö ayuhum neŋgimangöra kasan me? Ni könaŋamgi möt kutuzal. Gi Anutugörej azi Tök-kutukutuŋi mi akzan.”

²⁵Mewö qeriga Jisösnöŋ tembula kewö jim waŋgiyök, “Gi mönö keugi bököiga azi ki mosöta kesalnöŋ.”

²⁶Mewö jim waŋgiiga ömenöŋ azi mi utuköba urepköm waŋgiba qet bölöbölö qeta kota mosöta anök. ²⁷Aniga körekŋan nemböŋini teköiga welipköba qesim aŋguba kewö jiget, “Yei! Ki mönö wani yuaia? Ki mötmöt dölökŋi kukösumŋambuk. Yaŋön ömewöröme mewöyök jim kutum engiiga jitŋi tem kölje.”

²⁸Mewö asuhuiga Jisösgö qetbuŋaŋan könöbuk sehiba miri kösutŋe tat angeri, miangörej anda anda Galili prowins pakpak dop kölök. Mewö.

° 1.15 Mat 3.2 † 1.22 Mat 7.28-29

Jisösnöŋ kawöl ambazip gwötpuk meiga ölöwaket.

Mat 8.14-17; Luk 4.38-41

²⁹Jisösnöŋ Kaperneam yeŋgöreŋ köuluk miri mosöta miangöreŋök Jeims Jon yetpuk Saimon aka Andru yetkö mire öŋgöget. ³⁰Miangöreŋ öŋgögetka Saimongö suhunŋan silekönöp kawöl yöhöi ahöyök. Ahöiga buzupŋi mi ösumok Jisös jiget mörök. ³¹Jiget möta yaŋgöreŋ anda böröreŋ memba kököbiiga wahörök. Wahöriga silekönöpŋan mosöriga nene ohoba gumohom eŋgiyök.

³²Gumohom eŋgiiga mare aiga wehön jeŋi geiga miangöreŋ Kaperneam toŋi yeŋön kinda ambazipŋi ambazipŋi kawöl ömeŋinambuk mi körek eŋguanŋita Jisösgöreŋ kaget. ³³Kaperneam taonöhök kambulelembenöŋ kaba Saimongö miri naŋuŋe tokoget. ³⁴Tokogetka kinda ambazip kawöl könaŋi könaŋi eŋgöhöyöhi, mi gwötpuk mem ölöwak eŋgiyök. Mewöyök ömewöröme yeŋön Jisösgö könaŋi mötkeraŋgöra Jisösnöŋ numbuŋini muhungöba gwötpuk eŋguataŋgöyök. Mewö.

Amöt böröŋi Galili körek dop kölök.

Luk 4.42-44

³⁵Jisösnöŋ gaun ahöiga miri waŋgaraŋ suruiga wahöta miri yaigepŋe geba göraŋe anda nanŋök tiŋ kutuba miangöreŋ köuluköyök. ³⁶Köuluköiga Saimon aka alaurupŋi yambuk malgeri, yeŋön zilaŋ könaŋe anget. ³⁷Anda miwikŋaiba kewö jiget mörök, “Ambazip körekŋan mönö göhöra jaruze.”

³⁸Mewö jigetka möta kewö jiyök, “Miri tosatŋi tosatŋi liliköba tat anjei, ekze. Nöŋön Buŋa keu miri dop jim sehimamgöra eta maljal. Miangöra mönö miri liliköba anbin.”

³⁹^gMewö jiba anda Galili prowins körek liliköba köuluk miriŋine Buŋa keu jiba ömeŋi ömeŋi mi eŋguataŋgöba malök. Mewö.

Jisösnöŋ uzikuku azi kun mem solaniyök.

Mat 8.1-4; Luk 5.12-16

⁴⁰Jisösnöŋ taon kunöŋ maliga uzikuku azi kunŋan kaba simin köla Jisösgö wösöŋe geba kewö köuluköm waŋgiyök, “Göŋön sihimgan mem ölöwak niŋgimamgö mötzan ewö, mönö ni ölöp mem solanim niŋgiman.”

⁴¹Mewö jiiga yaŋgöra wösöŋi möta böröŋi böräŋda silenji misiriba jiyök, “Nöŋön mi akŋamgö mötzal. Gi mönö solaniman.” ⁴²Mewö jiiga uzikukuŋi mi miangöreŋök solanii ölöwahök. ⁴³Solaniiga galöm meme keu köhöikŋi waŋgiba miangöreŋök “Ölöp anman,” jiyök. ⁴⁴^hGoro mi

^g 1.39 Mat 4.23; 9.35 ^h 1.44 Lew 14.1-32

kewö jiiga mörök, “Mötnöj. Kiaᅅgö buzup keunji mi kun kude jinöj mötme. Qahöpmö, mönö jike nup galömgöreᅅ anda silegi kondel waᅅgiman aka Mosesgöreᅅ jimkutukutu wuatangöba solanizanaᅅgö saiwap nalukᅅi ala jöwöwöl ohoman. Mi ohonöj ehiga ambazipnöj könaᅅamgi möt kutume.”

⁴⁵Jisösnöj mewö jiyökmö, yaᅅjön anda töndup könahiba keu buzupᅅi mi gwötᅅuk jiba maliga sehiyök. Sehiiga Jisösnöj taonᅅi taonᅅi mianggöreᅅ aukᅅe kunbuk anmamgö osiyök. Osiba taon andöᅅine miri gwamönᅅi mianggöreᅅök malök. Mianggöreᅅ maliga miri dop mianggöreᅅök ambazipᅅi ambazipᅅi mi yaᅅgöreᅅ kaget. Mewö.

Jisösnöj azi sile likeᅅᅅi kömukömuᅅi möhamgöyök.

Mat 9.1-8; Luk 5.17-26

2 ¹Mewö liliköiga nalö tosatᅅi teköiga Jisösnöj lilingöba kunbuk miriᅅe Kaperneam kayök. Kaiga “Mire malja,” jiget mötket. ²Ambazip gwötᅅukᅅan mi möta tokoba yaᅅgö miri nangu söndakᅅe gwözöᅅda sombemᅅe kokolak qeget. Kokolak qegetka Jisösnöj kinda Buᅅa keu jiiga mötket. ³Mötketka mianggöreᅅ azi kun sile likeᅅᅅi kömukömuᅅi, mi waᅅgita yaᅅgöreᅅ kaget. Azi 4:ᅅan i kululunöj ala aᅅguba kaget. ⁴Kagetka gwözöᅅda kingeraᅅgöra aka Jisösgö kösutᅅe anda albingö osiget. Osiba miri qakᅅe öᅅgöba Jisösgö bohonᅅeyök bo esim lulunᅅet. Lulunᅅetka kinimᅅi ahuiga mianggöreᅅ kawöl azi mi kululunambuk kösönöj jöhöba algetka geiyök. ⁵Mewö geiga Anutu möt narim waᅅgigeri, Jisösnöj yengö tandökᅅini mi ehi dop köliga kawöl azigöra kewö jiyök, “Nahöni! Nöᅅjön siᅅgisöndoki mosötzal.”

⁶Mewö jiiga Köna keugö böhi tosatᅅan sutᅅine tata uruᅅinan kewö mötmöriᅅet, ⁷“Azi kiaᅅjön denöwögöra mewö jiza. Mönö Anutu ilita mepaqepaik akza. Anutu mohotᅅan siᅅgisöndokᅅini mosörakzapmö, azi kunᅅan mi qahö.”

⁸Uruᅅinan mewö mötmöriᅅetka Jisösnöj mianggöreᅅök uruᅅan mi möt kutuba kewö jii mötket, “Iᅅini mönö wuanöᅅgöra keu mewöᅅi uruᅅinan mötmöriᅅe? ⁹Nöᅅjön ‘Siᅅgisöndoki mosötzal,’ kawöl azigö mewö jizali, keu miangᅅön mönö awamᅅanök jijiᅅa. Kunᅅan mewö jiiga tosatᅅan keu miangᅅö öᅅᅅi qahö ekᅅe. Mianggöra mi keu awamᅅangö dop. Nöᅅjön keu kun kewö jimamgö mötzal, ‘Mönö wahöta tumbulahöᅅki memba anöᅅ.’ Keu mi mönö lömbötᅅambuk jijiᅅa akza. Mewö jibiga öᅅᅅi ahuma me qahöwi, miangᅅön mönö aukᅅe asuhui ekᅅe. ¹⁰Mötket, gölmenöᅅ siᅅgisöndok mosötmosötkö kukösumᅅi mi Sup gölmegö azi öᅅᅅanggöreᅅ ahözawi, iᅅini miangᅅö könaᅅanggöra janᅅuᅅ malbepuk. Mianggöra keu lömbötᅅi mi azi kiaᅅgöra jibi öᅅᅅi eket,” Mewö jiba azi sile likeᅅᅅi kömukömuᅅangᅅö jeᅅe eka jiyök, “Nöᅅjön göhöra jizal: Gi mönö wahöta tumbulahöᅅki memba mirige anöᅅ. Keu lömbötᅅi mi öᅅᅅambuk

akɲa ewö, keu awamɲi mi mönö mewöyök denöwögöra omaɲi akawak?”
 11 Mewö jiba azi sile likepɲi kömukömuɲi kewö jii mörök, “Nöɲön göhöra jizal: Gi mönö wahöta tumbulahöpki memba mirige anöɲ.”

12 Jiiga mönö wahöta mianggöreɲök tumbulahöpɲi memba ambazip pakpak yeɲgö jeɲine yaigepɲe anök. Mewö aniga körekɲan welipkoba Anutu möpöseiba kewö jiget, “Yei! Tandök kewöɲi mi mönöwök nalö kungen qahö ehin. Qahö. Dölki je murutɲa ekzin.” Mewö.

Jisösnöɲ Matyu (Liwai) oholök.

Mat 9.9-13; Luk 5.27-32

13 Jisösnöɲ kunbuk Kaperneam mosöta aɲgönöɲ geba sak qöhöröɲe anda malök. Maliga ambazip kambulelembenöɲ yaɲgöreɲ kagetka Buɲa keu kusum engiyök. 14 Anda takis ofis oɲgitmamgö aiga mianggöreɲ azi qetɲi Liwai Alfiusgö nahönɲi tariga eka jii mörök, “Gi mönö nöɲgö andöne kanöɲ.” Mewö jiiga möta wahöta takis nup mosöta Jisösgö andöɲe anök.

15 Anda Liwaigö mire anda nene memba tatkeri, nalö mianggöreɲ takis meme azi tilipqilipɲinambuk aka siɲgisöndok azi gwötɲukɲan kaba Jisös aka yaɲgö gwarekurupɲi yembuk tata nene mohokɲe neget. Gwötɲukɲan mönö Jisös wuatangöba malget. 16 Jisösnöɲ takis meme tilipqilipɲinambuk aka siɲgisöndok ambazip tosatɲi yembuk tata nene negeri, mi Farisi (Köna keugö kapaɲkölköl) aka yeɲgöreɲ böhi tosatɲan eka Jisösgö gwarekurupɲi kewö jim engiget, “Aek! Yaɲön mönö wuanöɲgöra takis meme tilipqilipɲinambuk aka siɲgisöndok ambazip yembuk tata nene neza? Mi qahö dop kölja.”

17 Mewö jim engigetka Jisösnöɲ likepɲi kewö jii mötket, “Sile unditundit ambazipnöɲ doktagöra qahö ak engimakzapmö, kawöl ambazipnöɲ doktagöreɲ anakze. Nöɲön siɲgisöndok ambazip engoholmamgöra kaba maljalmö, ambazip nanɲinaɲgö mötketka solanɲi akzei, i qahö.” Mewö.

Nene siɲgi malmalgö keuɲi

Mat 9.14-17; Luk 5.33-39

18 Nalö mianggöreɲ Jongöreɲ gwarekurupɲi aka Farisi (Köna keugö kapaɲkölköl) yeɲön nene siɲgi malgetka tosatɲan Jisösgöreɲ kaba kewö qesiget, “Jon O-melun azigö gwarekurupɲi neɲön Anutugöra nene siɲgi malahakzin. Farisi (Köna keugö kapaɲkölköl) yeɲgö gwarekurupɲinan mewöɲanök aka malje. Nangi gwarekurupkan mönö wuanöɲgöra Anutugöra siɲgi qahö malje?”

19 Mewö qesigetka kewö meleɲnök, “Ölɲa! Nini wani nalönöɲ nene siɲgi malakzin? Ambi meme nalöɲe azigö andöurupɲan könöpɲi algetka ambigö sepkitipurupɲan yuai mi tökömakze me qahö? Nöɲön nani

gwarekurupni yeŋgö azi buŋaya aka yeŋgö sutŋine köisirik tatzal. Tatpiga yeŋön miaŋgöra aijölön sönŋaiba tata ŋiŋi malbingö osimakze. ²⁰Osimakzemö, Anutunöŋ noaŋgiri kömumbiga yeŋön mönö nalö miaŋgöreŋ ölop ŋiŋi malakŋe.

²¹(Iŋini malmal walŋi aka sösönŋai Buŋa dölökŋi mi mindirim etkibingö osime. Miaŋgö keu pasetŋi mi kewö jibi mötket:) Löŋgölöŋgöt walŋi jurariga kunŋan opo dölökŋi qahö saŋgoŋsaŋgoŋi mitiba miaŋön opo su jöhanŋi qahö uhum memba umgöreŋgömakza. Mewö akawak ewö, opo su jöhanŋi dölökŋan mönö waziba löŋgölöŋgöt walŋi öröiga kunbuk tiŋgiriga kinimŋan qariba böliqölibapuk. ²²Mewöŋanök kunŋan wain o dölökŋi mi jobö me toru walŋi lama silenŋan memeni miaŋgöreŋ qahö kusuiga gemakza. Mewö akawak ewö, wain o dölökŋan mönö qariba toru qesiŋniga jula mokoiga gölmenöŋ eta sohoiga toruŋan böliqölibepuk. Miaŋgöra wain o dölökŋi mi toru dölökŋeyök mokoin geiga dop kölma. (Mewöŋanök o ölopŋi mi gina gisagisahöŋe qahö umakzin. Mewö ubinak ewö, miaŋön mönö jula kisipisirik eriga nemba kawöl neŋgöhöbapuk. Mewö akapuköra o ölopŋi mi gina ölopŋe umakzin. Iŋini mewöyök malmal walŋi aka Ölöwak Buŋa dölökŋi mi mindirim etkibingö osime.) Mewö.”

Jisösnöŋ Sabat kendongö Kembuŋi akza.

Mat 12.1-8; Luk 6.1-5

²³ⁱMiaŋgö andöŋe Sabat kendon kunöŋ Jisösnöŋ wit padi nup köröŋi ketanŋi kutuba anök. Aniga gwarekurupŋan wösöŋini eŋguiga wit ölnŋi mohot mohot könahiba böröŋinan misiba neget. ²⁴Mewö negeraŋgöra Farisi (Köna keugö kapaŋkölköl) tosatŋan Jisös kewö jiget mörök, “Mötnöŋ, yeŋön mönö wuanöŋgöra Sabat kendongö nup meme soŋgoŋi oŋgitze?”

²⁵^jMewö jigetka kewö meleŋnök, “Kiŋ Deiwidnöŋ yarö aziurupŋi yembuk liliköba wösöŋini eŋguiga nenegöra osiba yuia akeri, mi lök nalö kunöŋ oyonget me qahö? ²⁶^kYaŋön mönö Anutugö opo seri jikenöŋ öŋgöba beret kömbukŋi Anutugö jemesoholŋe altanöŋ alget tariga ösumŋan walöŋniga qekögeri, mi mönö memba neyök. Beret kömbukŋi mosötmosötŋi mi jike nup galöm yeŋönök nezema. Tosatŋan mi nembepuköra soŋgo ahöiga töndup neyök. Nemba aziurupŋi tok eŋgiiga mohotŋe neget. Nalö miaŋgöreŋ azi qetŋi Abiatar yaŋön jike nup galöm bohonŋaŋgö nup memba malök.”

²⁷Mewö jiba kewö jii mötket, “Anutunöŋ Sabat kendon mi ambazip ölöwakŋegöra ali ahöza. Mia ambazipnöŋ laŋ jim kutumegöra aka qahö. ²⁸Mewö aiga Suep gölmegö azi ölnan mönö Sabat kendongö Kembuŋi mewöyök akza.”

ⁱ 2.23 Dut 23.25 ^j 2.25-26 1 Sml 21.1-6 ^k 2.26 Lew 24.9

Jisösnöñ azi böröñi sösöröngöñi mem ölöwahök.

Mat 12.9-14; Luk 6.6-11

3 ¹Jisösnöñ kunbuk köulul mire öngöiga miangörej azi böröñi sosoholiñi kun tarök. ²Miangörej azi böröñi sosoholiñi kun tarök. Ambazipnöñ Jisös keu jakeñe al wañgibingöra “Azi mi Sabat kendonöñ möhamgöma me qahö?” jiba Jisös je galöm memba tatket. ³Megetka Jisösnöñ azi böröñi sosoholiñi mi kewö jii mörök, “Mönö wahöta jenine kinöñ.” ⁴Mewö jiba kewö jii mötket, “Köna keu wuatangöba Sabat kendonöñ yuai ölöpñi me bölöñi akin? Ölöp kungö bohonñi jöhöbin me mosöringa kömuma? Wanat kun meinga dop kölma?” Mewö jii möta göröñ alget.

⁵Keuñini göröñ tatketka lilingöm purik engehi uruñinan köhöikñi gwözöñnöhangöra wösöbirik aka kukjejenöñ engehök. Mewö engeka azi miangö jiyök, “Gi mönö börögi qötöteinöñ.” Mewö jiiga böröñi qötöteiba kunbuk ölöwahök. ⁶Ölöwahiga Farisi (Köna keugö kapañkölköl) yeñön yaigep anda miangöreñök premiö Herodkö pati alaurup yembuk totoko ala “Jisös denöwö qein kömuma?” jiba keu nup meget. Mewö.

Jisösnöñ kawöl ambazip mem ölöwak engiyök.

⁷Mewö megetka Jisösnöñ gwarekurupñi enguangita o angö jitre anget. Angetka Not prowins qetñi Galili miangöreñök ambazip kambuleleme yeñön könañe wuatangöba anget. Judia prowins miangöreñök mewöyök yangörej kaget. ⁸Siti bohonñi qetñi Jerusalem, Saut prowins qetñi Aidumia aka Jordan o likepneyök Wehön Kotkotñe yeñön aka Wehön Gegeñe görökenök taon qetñiri Taiö aka Saidon liliköba maljei, yeñön mohok kambulelemenöñ öröba kaget. Jisösnöñ angöletot ketañi ketañi memba malöhi, miangö buzupñi möta mindiqindiriba kañgotket. ⁹Mewö kañgota utal wañgibepuköra Jisösnöñ gwarekurupñi kewö jii mötket, “Ölököm niñgibepuköra inini mönö wange kun miwikñaiba nöngöra dowe alget tarök.” ¹⁰Mewö jii möta ambazip sehisehiñi mem ölöwak engiba malök. Miangöra qemjem-mamjen aka sile lölömböröñinambuk pakpak yeñön sileñe misiribingöra liliköba gwötpuk aum metala utal wañgiget. ¹¹Ömeñi ömeñi yeñön Jisös eka jemesoholñe gölmenöñ geba kewö qetket, “Gi Anutugö Nahönñi akzan!”

¹²Mewö qetketka Jisösnöñ qetal engiba könöñamñan aukñe asuhubapuköra soñgo köhöikñi al engiyök. Mewö.

Jisösnöñ gwarekurupñi möwölöhöm engiyök.

Mat 10.1-4; Luk 6.12-16

¹³Könañgep Jisösnöñ kunduje öngöba miangörej nanñi sihimñangö dop azi engehoholiga yangörej kaget. ¹⁴Kagetka azi 12 mi yambuk

¹ 3.9-10 Mak 4.1; Luk 5.1-3

malmegöra al engiba Buṇa keuṇi jim sehimegöra melaim engiyök.

¹⁵Melaim engiba ömewöröme közöl engimegö kukösumṇi engiyök.

¹⁶Mewö aka azi 12 ki kewö al engiyök: Pitö, Jisösnöṇ qet mi Saimon waṅgiyök. ¹⁷Jeims aka munṇi Jon, iwiṇiri qetṇi Zebedi. Jisösnöṇ yetkö qetṇiri kun Boanerges qerök. Mi nanine keunöṇ Pöndandanṅö Nahönyahötṇi. ¹⁸Andru, Filip, Bartolomyu, Matyu, Tomas, Jeims Alfiusgö nahönṇi, Tadius, Saimon Zelot-politik azia^m ¹⁹aka Judas Iskariot. Kariot azi mianṅön könangen Jisös mamalolo mem waṅgiyök. Mewö.

Jisösnöṇ öme yeṅgö kukösumṇini oṅgita qei etza.

Mat 12.22-32; Luk 11.14-23; 12.10

²⁰Jisösnöṇ mi al engiba kundunṅeyök eta nanṇi miriṇe kayök. Mire kaiga ambazip kambu ketanṇi kunbuk kaṅgota tokogetka mönö mianṅöra tosolomṇi yembuk nene nemingö osiget. ²¹Osigetka sepkitipurupṇan mi möta “Uruṇi lök sohoza!” jiget. Jiba geba waṅgitpingöra anget.

²²“Angetka Köna keugö böhi Jerusalemök kageri, yeṅön jiget, “Satangö Katakömulatnöṇ mönö uruṇe geiga malja. Yaṅön öme yeṅgö kembuṇinanṅö ösumnöṇ ömewöröme enṅuatṅömakza.”

²³Mewö jigeranṅöra Jisösnöṇ enṅoholi kagetka dopkeunöṇ kewö jii mötket, “Satanöṇ mönö denöwö alaṇi Satan kun wuatṅöbawak? ²⁴Kantri kungö galömurupṇinan sutṇine aṅgururuk aka julme ewö yeṅön mönö galömkölköl nupṇini memba kinbingö osime. ²⁵Mewöyök miri kungö könagesö yeṅön sutṇine aṅgururuk aka julme ewö, mönö galömkölköl nupṇini memba kinbingö osime. ²⁶Mewöyök Satangö könagesö yeṅön sutṇine aṅgururuk aka tuarenjoṇ ak aṅgubeak ewö, galömkölkölṇinanṅö ösumṇan eriga bemtohoṇinan mönö qahöwakṅamgö akza.

²⁷Kunṇan azi köhöikṅanṅö köna böröṇi mutuk qahö jöhöma ewö, yaṅön mönö miriṇe öṅgöba qezaṇda sukinapṇi memamgö osima. Mutuk i jöhöi tarigun mönö ölop miriṇeyök öroyuaiṇi pakpak waṅgita memba anma. (Mianṅö dop nöṅön mewöyök Satan jöhöba andöṇe ömeṇi enṅuatṅömakzal.”) Mewö.

Siṅgisöndok mosötmosötṇi qahö

²⁸Nöṅön keu ölnṇi kun kewö jibi mötme, “Ambazip ketanṇi moröṇi siṅgisöndok ahakzei, mi Anutunöṇ mosörakza. Lömbötṅambuk me awamṇi mepaqepaik akeak mönö mi Anutunöṇ saṅgoṇ enṅima. ²⁹“Saṅgoṇ enṅimappmö, Kunṇan Uṇa Töröṇi ilita mepaikömawi, mianṅö siṅgisöndokṇi Anutunöṇ mönö nalö kunöṇ qahö mosötma. Saumbaṇ! Siṅgisöndok mianṅön mönö qakṇe öṅgöiga

^m 3.18 Nasönöl pati zelot yeṅön Rom gawman tuarenjoṇ aka nanṇine kinkin memingöra tuaköpek memba malget. ⁿ 3.22 Mat 9.34; 10.25 ^o 3.29 Luk 12.10

nalö tetekönji qahö Anutugö jerje keunꞑambuk malma.” Mewö jiyök. ³⁰“Ömenön uruje geyöhawa malja,” Jigerangöra aka mewö kusum enꞑiyök. Mewö.

Jisösgö nam-munurupni.
Mat 12.46-50; Luk 8.19-21

³¹Mewö eraum mötketka nam-munꞑan kaba yaigep kinda yenꞑörej etmapkö keu alget yanꞑörej anök. ³²Aniga ambazip kambu yenꞑön liliköm wanꞑiba tata kewö jiget mörök, “Mötnön! Göhö nam-mungan mönö yaigep kinda göhöra qesize.”

³³Jigetka meleꞑda kewö jii mötket, “Nöngö namni mi daꞑön aka munurupni daꞑön?” ³⁴Jisösnön mewö jiba ambazip liliköm wanꞑiba tatkeri, i uba enꞑeka kewö jiyök, “Eket nöngö namni aka munurupni mönö ki. ³⁵Anutugörej jitsihitji tem kölahakzei, mieꞑön mönö nöngö namni aka nen-munurupni akze.” Mewö.

Qesij gilgil azigö dopkeu
Mat 13.1-9; Luk 8.4-8

4 ^{1p}Jisösnön kunbuk o anꞑö jitꞑe geba könahiba kusum enꞑiyök. Kusum enꝼiiga ambazip kambulembenön yanꝼörej anda tokogetka wanꝼenön öngöba o anꝼö qakꝼe anda tarök. Tariga ambazip pakpak yenꝼön anꝼö göraꝼe saknön tokoget. ²Mewö tokogetka dopkeu gwötꝼuk jiba kusum enꝼiyök. Kusum enꝼiba kewö jiyök.

³“Mötket! Azi kunꝼan nene kötnji qesij gilmangöra nupnön anök. ⁴Anda qesij giliga kötnji tosatꝼan köna jitꝼe geba kölget. Geba kölgetka (warawen) neiꝼi neiꝼi kaꝼgota mi nem teköget. ⁵Kötnji tosatꝼan köt jamönjijönöꝼ geba kölget. Geba köla miangörej gölme gwötꝼuk qahö miwikꝼaiget. Gölme dutꝼi qahö ahöyöhangöra korapꝼi zilaꝼ kotket. ⁶Kotketmö, wehönonöꝼ kota enguba jem kutum enꝼiiga jalönjini qahöpköra soholiba gororongöget. ⁷Kötnji tosatꝼan siriuret wahinambuknön miangörej geba kölget. Geba kölgetka mieꝼön kota qem turugetka böbölohohot mem enꝼiget. Mewö aka ölnji qahö kuꝼguget. ⁸Kötnji tosatꝼan gölme ölöꝼpe geba kölget. Geba köla korapꝼi jula wahöta ipꝼinangö ölnjini ölöꝼpni asuhuget. Tosatꝼan kötnjini 30, Tosatꝼan kötnjini 60, tosatꝼan 100 miangö dop ahum sehiget.” ⁹Mewö jiba jim teköyök, “Kunꝼan urukezapꝼambuk malja ewö, yanꝼön mönö dopkeu ki kezap ala möt kutuma.” Mewö.

Jisösnön wanigöra dopkeu jiyök.
Mat 13.10-17; Luk 8.9-10

¹⁰Kambu ketanji yenꝼön deꝼda angetka Jisösnön nanꝼök tarök. Nanꝼök tariga gwarekurupꝼi 12 aka tosatꝼi liliköm wanꝼigeri, mi mohotꝼe

dopkeu kienḡö kōnaḡinanḡōra qesim waḡiget. ¹¹Qesim waḡigetka kewō melenḡa jiyōk, “Anutugō bemtohoḡe aḡgota malbingō keu tōlapḡi mi eḡgōra aukḡe jibi mōt kutuzemō, yaigep maljei, yeḡgōra mi pakpak mōnō dopkeunōhōk asuhumakza. ¹²⁹Mewō asuhuiga

‘Nanḡini jeḡinan yuai ekagun kōnaḡi tōndup qahō mōt kutume. Nanḡini Kezapḡinan keu tōrōrōk mōtagun kōnaḡi tōndup qahō mōt asarime.

Mi mōt asaribeak ewō, mōnō ölp uruḡini melenḡetka Anutunōḡ siḡisōndokḡini mosōtpawak.’”

Jisōsnōḡ dopkeugō kōnaḡi jiyōk.

Mat 13.18-23; Luk 8.11-15

¹³Jisōsnōḡ toroqeba kewō jii mōtket, “Dopkeu miḡḡō kōnaḡi kewō. Mi kude mōt asarize ewō, dopkeu tosatḡi pakpak jimami, mi mōnō denōwō mōt asaribeak? ¹⁴Dop Keu miḡḡō kōnaḡi kewō: Qesiḡgilgil azinōḡ Buḡa keu qesiḡa gilja. ¹⁵Nene kōtḡi kōna jitḡe geba kōlgeri, mi kewō: Buḡa keu qesiḡ gilgetka ambazip uruḡine gezapmō, mi mōtketka Satanōḡ miḡḡōreḡōk kaba keu uruḡine qesiḡget geyōhi, mi qekōba eḡḡuaḡgirakza. ¹⁶Nene Kōtḡi qesiḡniga kōt jamōḡjiḡnōḡ geba kōlgeri, mi mewōyōk ambazip sōpsōpḡi kun. Yeḡḡōn Buḡa keu mōta miḡḡōreḡōk sōsōḡgai qakḡe mōt aḡḡōn kōlakze. ¹⁷Mewō ahakzemō, uruḡine jalōḡi qahō ahōm eḡḡimapmō, nalō tōrōptōkḡi miyōk kin kōhōiba malme. Buḡa keugōra aka kahasililiḡ me sesewerowero asuhuiga nalō miḡḡōreḡōk mōnō tala eḡḡuma. ¹⁸Nene kōtḡi qesiḡniga siriuret wahḡinambuknōḡ geba kōlgeri, mi kewō: Yeḡḡōn Buḡa keu mōtketka uruḡine geza. ¹⁹Gezapmō, ḡōlmenōḡ malmalgō waimanḡatḡi aka moneḡ inap memegō urukōnōpḡi ahuba lömbōrim eḡḡimakzal. Qetbuḡaḡinambuk akingō kōpōsōḡḡōgetka sihim kōmbōnaḡi bōlōḡi tosatḡan mewōyōk uruḡine dumḡōba Buḡa keu bōbōlohot mem waḡgize. Mewō aiga ölpḡini qahō gilipitḡi (ambetakḡi) akḡe. ²⁰Nene kōtḡi ḡōlme ölpḡe qesiḡniga geba kōlgeri, mi ambazip kewōḡi: Yeḡḡōn Buḡa keu kezap ala mōta mōt aḡḡōn kōla pōndaḡ kinda ölpḡini miwikḡaimakze. Tosatḡan keu jit mohoknōhōk kōtḡi 30 miwikḡaimakze. Tosatḡan ölpḡini 60, tosatḡan keu kōt mohot mohot miḡḡō ölpḡini 100 mem sehiba miwikḡaimakze.” Mewō.

Lampe mi asakḡi neḡḡimapkōra ahōza.

Luk 8.16-18

²¹^rJisōsnōḡ keu kun kewō jiyōk, “Kunḡan lambe me kiwa memba ohotiriba kimbut me dum baḡḡe alma me qahō? Mi waniḡe alma? Mi mōnō miḡḡō dum tatatnōḡ aukḡe alma. ²²^sMewōḡanōk yuai kun

⁹ 4.12 Ais 6.9-10 ^r 4.21 Mat 5.15; Luk 11.33 ^s 4.22 Mat 10.26; Luk 12.2

asambötket ahözawi, mi mönö aukŕe asuhum tiŕgitmapkörä ahöza. Yuai kun köl turuget ahözawi, mi mönö luluŕget kötulmapkörä aka ahöza. ²³Kunŕan urukezapŕambuk malja ewö, yaŕŕön mönö dopkeu ki kezap ala möt kutuma.” Mewö.

Denöwö diweloŕmen ahuza?

²⁴‘Jisösnöŕ keu kewö jii mötket, “Keu mötzei, mi mönö möt aŕgön köla urukönimŕine ala köl guliba malme! (Mewö malgetka uruŕŕini diŕŕiiga mötmötŕinan qariiga möt kömume.) Iŕŕini tosatŕi yeŕgö keuŕŕini kewöta jim tekömei, Anutunöŕ mönö jimkutukutuŕŕini mohot miangö dop nanŕini keuŕŕini kewöta jim teköma. Dop mi mönö oŕgita likeŕŕi meleŕ eŕŕgima. ²⁵“Miangö könaŕŕi kewö: Kunŕan mötkutukutuŕŕambuk maljawi, Anutunöŕ mönö mi toroqem waŕŕiiga malmapmö, kunŕan mötkutukutuŕŕi qahö maljawi, Anutunöŕ mönö mötmötŕi moröŕŕi ahözawi, mi mewöyök qeköba waŕŕitma. Mewö.

Buŕa keu kötŕi mi korapŕambuk.

²⁶Jisösnöŕ dopkeu kun kewö jiyök, “Anutugöreŕ bemtohoŕŕi mi kiangö dop: Azi kunŕan nuwe anda nene kötŕi qeŕiŕda gilma. ²⁷Qeŕiŕda gila anda suŕgem silim ahöba wahöta ahöba wahöriŕga nene kötŕangö korapŕŕi jula korakze. Denöwö jula korakzei, mi nanŕak qahö möt kutuza. ²⁸Gölmenöŕ nanŕök nam köli ölnŕi asuhumakza: Mutuk ipŕŕi, könaŕŕep ölnŕi aka miangö andöŕe ölnŕangö kötŕi mi körek asuhiba qarim teköme. ²⁹“Ölnŕi qarim teköba öliiga ölnŕi memegö nalöŕŕi aiga welenqeŕeuruŕŕi melaim eŕŕiiga souŕŕini kapeŕkapeŕŕöŕŕi jitŕinambuk memba ölnŕi memingöra nupŕe anme.” Mewö.

Nejoŕ kötŕangö dopkeu

Mat 13.31-32, 34; Luk 13.18-19

³⁰Jisösnöŕ dopkeu kun kewö jiyök, “Anutugö bemtohoŕŕi mi wanatpuk dop albinak me wanat söpsöp keu jiba jim asaribinak? ³¹Mi nejoŕ kötŕangö dop kewö akza: Kötŕi mi morö közözömŕŕi. Mi gölmegö nene köt pakpak miengö eretŕŕini akza. Mewö aiga nup gölmenöŕ esize. ³²Esizemö, jula wahöta yöha pakpak eŕŕoŕgita qariba böröŕŕi ketaŕŕi gili anje. Mewö gili anetka könakembagö neiŕŕi neiŕŕi miengön aipŕŕini miangö aumŕe alakze.” Mewö.

Jisösnöŕ dopkeu gwötŕuk jiyök.

³³Jisösnöŕ dopkeu mewöŕŕi mewöŕŕi mi gwötŕuk jiba mala Buŕa keu jiiga mötket. Möt kutugerangö dop mi jiiga möta malget. ³⁴Nalö

[†] 4.24 Mat 7.2; Luk 6.38 [“] 4.25 Mat 13.12; 25.29; Luk 19.26 [∨] 4.29 Joel 3.13

dopkeunji pakpak mi dopkeunöj jiba malök. Keunji kun öne kude jiyökmö, gwarekurupji yembuk nanjinök malgetka keu pakpak miengö könajini mi jim asarim engiba malök. Mewö.

Jisösnöj jiiga raidimbom görön qeyök.

Mat 8.23-27; Luk 8.22-25

³⁵Wehön miangören mare aiga Jisösnöj gwarekurupji kewö jii mötket, “Mönö mosöta angö kutuba likepne angotpin.” ³⁶Mewö jiiga ambazip kambu engömosöta Jisös wanjigetka wanjenön tari anget. Wanje tosatji mi mewöyök yembuk awatan anget. ³⁷Angetka raidimbom ketañan ömtöröp (töröpnanök) giliga sirinön wanje uruje gegetka wanje numbuje qemamgö ahök. ³⁸Mewö aiga Jisösnöj wanje teteköje tata qömböñnön nariba gaun ahöyök. Gaun ahöiga gwarekurupñan anda möndöba jiget, “Hei böhi! Nini angönön ayuhubingöra akzin. Miangö waimanjatji kun mötzan me qahö?”

³⁹Mewö jigetka imbiñi möta luhut aka siri kewö jim qetal etkiyök, “Mönö bököba öne ahönöj!” Mewö jiiga luhutnön döngöiga sirinön nön qeba ahöyök. ⁴⁰Mewö aka kewö jim engiyök, “Injini mönö wuanöngöra kenjöt mötmöt azia akze? Denöwögöra aka Anutu qahö möt narize? Sömbuñini mönö öne mötze.”

⁴¹Jiiga awöwöliba qem sömbuñini möta eraum mötket, “Yei, azi kia mönö denöwöñan malja? Yanön mönö luhut aka köwet jim kutum etkiiga jitji tem köljahot?” Mewö.

Ömenön bau urujine gegetka azinön ölöwahot.

Mat 8.28-34; Luk 8.26-39

5 ¹Mewö asuhuiga angö kutuba likepne Gerasin yengö gölmenön angotket. ²Angota körökne öngögetka Jisösnöj wanje mosöriga miangörenök azi ömeñambuk kun mi qaksirinöhök kaba kinda Jisös miwikñaiyök. ³Azi mi qaksirinön mala qamöt kötenji esiba urorohoget ahögerangören ahöm malök. Azi körekñön könabörönji tapep (muñgamuñga) kösönön jöhöbingö osiba malget. ⁴Indimji gwötpuk könaji tapep kösönön jöhöba börötakñi qeba malgetmö, börö takñi kusula köna kösönji titikutuba maliga körekñan i galöm köl osiget. ⁵Osiba sunjem asak dop sundan qaksirigö köt köteñnön me kunduje lanlan ahöba malök. Mewö mala silata qeta silenji kötnön qem kutumutuba malök.

⁶Jisösnöj tikep kaiga eka ösumñan kaba gölmenön kösutje geba simin kölök. ⁷⁻⁸Simin köliga Jisösnöj ömenji mi kewö jim wanjimamgöra ahök, “Öme bölönji! Gi mönö azi ki mosöta anöj!” Mewö jimamgöra aiga qet bölöbölö ketañi qeta jiyök, “Aek! Gi Jisös, Anutu öngöngöñangö Nahönñi akzan. Gi denöwö ak niñjimamgöra kazan? Nönön Anutugö jemesoholje

ulet gihizal: Gi keu jöhöba jöjöpaŋ keunöŋ jim köhöiba mönö sihimbölö könöŋambuk kude ak niŋŋinöŋ.”

⁹Mewö jiiga kewö qesiyök, “Gi qetki niŋi?” Qesiiga jiget, “Nini gwötpuk maljinaŋgöra qetnini Lijön jizin.” Mi nanine keunöŋ Kerök kambu ketani. ¹⁰Mewö jiba kapaŋ köla kewö ulet waŋgiget, “Gi neŋguataŋgöbanak, mewö mönö gölme kiaŋgöreŋök kude melaim neŋgiman.”

¹¹Kösutŋine kundunŋi marömŋe miaŋgöreŋ bau kambu ketani kun gwözözak uruŋe kulunŋa malget. ¹²Miaŋgöra ömenöŋ kewö jiba Jisös ulet waŋgiget, “Göŋön melaim neŋŋinöŋga nini ölop bau miengö uruŋine gebin.” ¹³Jigetka “Mönö anda geget,” jiba jim kutum eŋgiiga azi uruŋeyök kota anda bau uruŋine geget. Gegetka miaŋgöreŋök bau kambu 2000 miaŋgö dop mi mönö luhuba nembönembönöŋ anda jororöŋgöba o aŋgönöŋ geba nemulahöba kömuget.

¹⁴Kömugetka bau galöm yeŋön ölöŋ unjurata taon aka miri morömorö miaŋgöreŋ anda keu buzupŋi jiget. Jiget mötketka ambazip sesegilgil yeŋön yuai asuhuyöhi, mi ekingöra kaget. ¹⁵Kaba Jisösgöreŋ kaŋgota eketka azi öme kambuŋambuknöŋ malöhaŋön mönö opo sileötaŋi törörök jöhöba tata uruŋi amöriiga imbi mötmötŋi pakpak asuhuiga eka awöwöliget. ¹⁶Kingetka bau mi denöwö geba kömugeru aka azi ömeŋambuk yaŋgöreŋ yuai asuhuyöhi, mi ekeranöŋ kösohot yahöt mi jiget mötket.

¹⁷Möta kinda Jisösnöŋ mindimindiri sel gölmeŋini mosöta anmapkö ulet waŋgiget.

¹⁸Ulet waŋgigetka mosöta waŋgenöŋ öŋgömamgöra ahiga azi ömeŋambuk malöhaŋön kaba Jisösbuk mohotŋe anda malmamgöra qesiyök.”

¹⁹Qesiyökmö, Jisösnöŋ qetal waŋgiba kewö jii mörök, “Gi mönö mirige anda tinitosolomurupki eŋgeka Kembunöŋ aŋgöletot ketani aka ak-kömum gihiyöhi, miaŋgö kösohotŋi jinöŋga mötme.”

²⁰Mewö jiiga mosöta anda Jisösnöŋ aŋgöletot ketani ketani ak waŋgiyöhi, miaŋgö keuŋi könahiba Ten-taon distrik uruŋe jim sehiiga köreŋan welipköget. Mewö.

Jairusnöŋ böratŋaŋgöra Jisös köuluköyök.

Mat 9.18-26; Luk 8.40-56

²¹Jisösnöŋ waŋgenöŋ öŋgöba lilingöba aŋgö kutuba likepŋe kaiga ambazip kambu gwötpukŋan yaŋgöreŋ kaba tokogetka aŋgö jitŋe kinget. ²²Kingetka köuluk mirigö keu galöm kun qetŋi Jairus yaŋön kaba Jisös eka wösöŋe geba simin köl waŋgiyök. ²³Simin köl waŋgiba kapaŋ köla köuluköba kewö jiyök, “Böratni moröŋan mönö kömumamgö akza. Mönö kaba börogi qakŋe alnöŋga ölöwaka toroqeba malma.”

²⁴Mewö jiba Jisös waŋgiringa mohotŋe anohotka ambazip kambuleleme yenön andönire anda ölöqöloköba liliköm etkiba anget. Mewö.

Kawöl ambi kunöŋ Jisösgö malukuŋi misiriyök.

²⁵Angetka miangöreŋ sutjine ambi kun malök. Yaŋön (yara) yambu 12:gö dop köiŋnön ehiga nalö dop kawöl yöhöiga malök. ²⁶Mewö mala sihimbölö gwötpuk möriga sile galöm gwötpukuŋan yaŋgö nup megetka baukbauk kun kude miwikŋaiba malök. Yaŋön sile galöm ambazip yengö töwaŋinaŋgöra moneŋ inapŋi körek gila malökmö, kawölŋi miangön mönö mem bölim waŋgiiga malök. ²⁷⁻²⁸Mewö mala Jisösgö buzupŋi möta kewö jiyök, “Nönön i oseimangö möt lömböriba malukuŋeyök borom kun misiribileŋak ewö, mönö ölop ölöwakŋam.” Mewö jiba ambazip kambu sutjine Jisösgö andöŋe anda malukuŋe misiriyök.

²⁹Misiriiga sepŋi miangöreŋök jöpköiga qemjem-mamjeŋan qahöwahiga sileŋan ölöwahiga mörök. ³⁰Ölöwahiga Jisösnön miangöreök ösumŋi kun kutuba anöhi mi möta ambazip kambu sutjine lilingöba jiyök, “Daŋön malukuni misiriza?”

³¹Mewö jiiga gwarekurupŋan kewö jiget mörök, “Ambazip kambunön öloköba liliköm gihiba goseize. Mi eka denöwö ‘Daŋön nömisiriza?’ jizan?”

³²Mewö jigetmö, Jisösnön kunbuk “Daŋön mi akza?” jiba mi miwikŋaimangöra lilingöba uba eŋgehök. ³³Eŋgehiga ambi sileŋe angöletot asuhuyöhi, yaŋön mi möta miangöra keŋgötŋi möta jönömŋi unduiga kaba Jisösgö wösöŋe geba simin köla könaŋi pakpak jiiga mörök. ³⁴Jisösnön mi möta kewö jii mörök, “Böratni, mötnaripkan mönö mem ölöwak gihiza. Qemjem-mamjeŋan mönö qahöwahiga ölop urubönjönön anman.” Mewö.

Jisösnön Jairusgö böratŋi mem guliyök.

³⁵Keu mewö jiba kiniga köuluk mirigö keu galömŋangö mireyök kunŋan welen kaba Jairusgöra jiyök, “Böratki kömuza! Miangöra böhigö qakŋe lömböt toroqeba kude alman.”

³⁶Jiiga Jisösnön keu miangö nönöŋgan aka köuluk mirigö keu galömŋi kewö jii mörök, “Keŋgötki kude mötnöŋ! Mönö ni möt narim niŋginöŋ.”

³⁷Mewö jiba ambazip tosatŋi eŋgömosöta Pitö, Jeims aka Jeimsgö munŋi Jon miyök eŋguangiri i wuatangöba anget. ³⁸Anda köuluk mirigö keu galömŋangö mire aŋgotketka ambazip kambu göju megetka eŋgehök. Gwötpukuŋan jingey köla köhöikŋanök sahöta amburereŋ meget.

³⁹Eŋgeka mire öngöba kewö jii mötket, “Iŋini mönö wuanöngöra göju memba sahötze? Morö miangön qahö kömuzapmö, gaunök ahöza.”

⁴⁰Mewö jii mötket gönahit ewö aiga gön köl waŋgigetmö, yaŋön i körek eŋguatangöba morögö iwinamŋi aka tosatŋi yambuk malgeri,

miyök enɣuaŋgiriga morönön ahöyöhaŋgören öngöget. ⁴¹Öngögetka börat mi böröŋe memba yaŋgöra jiyök, “Talita kum.” Mi nanine keunöŋ Ambi moröŋi, ni göhöra jizal: Mönö wahötnöŋ!

⁴²Mewö jiiga ambi (yara) yambuŋi 12 miaŋön mönö miaŋgöreŋök wahöta kinda anda kayök. Mewö aiga eka kesötŋini yöhözömgöba welipköget. ⁴³Welipkögetka miaŋgö buzupŋi kun jiget mötpepekö jiba soŋgo köhöikŋi al enɣiyök. Al enɣiba ambi moröŋi numbu nene waŋgiget nemapkö jiyök. Mewö.

Nazaret yeŋön Jisös andö qeget.

Mat 13.53-58; Luk 4.16-30

6 ¹Mi asuhuiga Jisösnöŋ Jairusgö miri gölme mosöriɣa gwarekurupŋan wuatangöba yambuk anda Jisösgö malqarip taonön aŋgotket. ²Sabat kendonöŋ kaiga köuluk mire öngöba Buŋa keu könahiba kusum enɣiyök. Kusum enɣiiga möta ambazip gwötpukŋan auruba welipköba kewö jiget, “Yei, kezapjupjup! Yuai pakpak ki mönö denikeyök möta jiza? Mötkutukutuŋi mi mönö daŋön kusum waŋgiiga jiza? Aka aŋgöletot kukösumŋinambuk mewöŋi mi mönö daŋön inahöi böröŋan meiga asuhuze? ³Azi ki mönö miri kiaŋgö mitimqeɣe azia. Mariagö nahöŋŋi aka Jeims, Josef, Juda aka Saimon yeŋgö datŋina. Nenurupŋan mönö sutnine ki malje.” Nazaret yeŋön mewö jigetka uruŋinan böliiga miaŋgöreŋ qaköget.

⁴“Qakögetka Jisösnöŋ kewö jii mötket, “Kezapqetok azigö sepkitip aka tinitosolomurupŋan mönö nanŋi taonöŋ jijiwilit ak waŋgimakzemö, miri tosatŋi miaŋgöreŋ mewö qahö.

⁵Mewö akerangöra Jisösnöŋ kawöl ambazip mohot mohot böröŋi qakŋine ala mem ölöwak enɣiyökmö, aŋgöletot kukösumŋinambuk tosatŋi memangö osiyök. ⁶Mewö ahiga mötnaripŋinan qahö asuhuiga yaŋgisenjaŋgöra aka auruyök. Auruba Nazaret mosöta kösutŋe miriŋi miriŋi liliköba Buŋa keu kusum enɣiba malök. Mewö.

Jisösnöŋ gwarekurupŋi 12 melaim enɣiyök.

Mat 10.5-15; Luk 9.1-6

⁷Jisösnöŋ gwarekurupŋi 12 mi enɣoholi kagetka könahiba yahöt yahöt pakpak melaim enɣiyök. Melaim enɣiba ömewöröme közöl enɣimegö kukösumŋi enɣiyök. ⁸*Mi enɣiba kewö jim kutum enɣiyök, “Köna anmeaŋgöra öröpŋini memba anme. Yuai tosatŋi kun kude meme. Köna nalem qahö, gösö qahö me soujeŋi mi irimuŋgaŋine kude jöhöme. ⁹Köna esu ölöp könaŋine jöhöba maluku semöŋŋi qahöpmö, mohot meme.” ¹⁰Mewö jiba kewö jii mötket, “Anda miri denike denike aŋgotmei, mönö

* 6.4 Jon 4.44 * 6.8-11 Luk 10.4-11

miaᅅgöreᅅök mala nup memba taon mi mosöta köna anme. ¹¹ʷAnda mala miri kunöᅅ aᅅgotketka qahö köᅅ öröm eᅅgiba keuᅅini qahö mötketka nesampurekᅅini mönö kewö jiba kondel eᅅgime, ‘Nini eᅅgö gölmenöᅅ kainga söᅅbuham köna tambönine mekötahözawi, mi mönö tim töᅅjöraringa nanᅅine lilingöba gema.’ Mewö jigetka könaᅅamᅅini solanᅅi möt kutugetka öᅅᅅ miri me taon mi mosöta toroqeba anme.”

¹²Mewö jiiga mosöta anda ambazip uruᅅini melerᅅmegö Buᅅa keuᅅi jim sehiba malget. ¹³ʷMala öme gwötpuk eᅅguataᅅgöba kawöl ambazip gwötpuk kelöknöᅅ eᅅgömiriba mem öᅅwak eᅅgiget. Mewö.

Kiᅅ Herodnöᅅ keᅅgötᅅi mörök.

Mat 14.1-12; Luk 9.7-9

¹⁴ʷJisösgö qetbuᅅaᅅan sehiba kiᅅ Herodkö kezapᅅe gei mörök. Ambazipnöᅅ kewö jiget, “Jon o melun azinöᅅ mönö kömupnöhök wahöta nupᅅi meiga aᅅgöletot kukösumᅅinambuk asuhumakze.”

¹⁵ Mewö jigetmö, tosatᅅan kewö jiget, “Mi mönö Elaija (Elia)”
Tosatᅅan toroqeba jiget, “Mi kezapqetok azi walᅅi yeᅅgöreᅅök kun.”

¹⁶Mewö jigetmö, kiᅅ Herodnöᅅ mi möta kewö jiyök, “Jon o melun azi nöᅅön jibi jölᅅi kutugeri, yaᅅön mönö kömupnöhök wahöta malja.” Waimaᅅat möta Mewö jiyök.

Jongö jölᅅi kutugetka kömuyök.

¹⁷ʷMi kewögöra jiyök: Herodnöᅅ munᅅi Filipkö anömᅅi Herodias öᅅᅅ meiga Jon o melun azinöᅅ kiᅅ jim waᅅᅅiiga opotöröp melaim eᅅᅅiiga anda Jon memba jöhöba kösö mire al waᅅᅅiget. ¹⁸Jonöᅅ Herodköra keu kewö jiyök: Gi qamböt ki memba mala Köna keu oᅅgitzan.”

¹⁹Mewö jiiga Herodiasnöᅅ Jon kazik ak waᅅᅅiiba qeget kömumapkö mörökmö, miaᅅgö könaᅅi kun qahö miwikᅅaiyök. ²⁰Qahö miwikᅅaiba Jonöᅅ azi solanᅅi aka sarakᅅi töröᅅi ahöhi, mi möta sel jöhöba kölközizip ak waᅅᅅiiba Jongöra keᅅgötᅅi möta malök. Mewö mala Jongö jitᅅeyök keu möröhi, mi uruᅅi kuᅅᅅugetka keu gwötpuköra uruyahöt ahök. Mi töndup töndup Jongö keuᅅi mötmamgö sihim mörök.

²¹Mewö aiga Herodiasnöᅅ Jon qemamgö könaᅅi qahö miwikᅅaiba maliga miaᅅgö nalöᅅi öᅅᅅᅅi kewö kam kuᅅᅅuyök: Kiᅅᅅö ahuahu nalöᅅan kaiga közölömbuaᅅ ala jembon aka suaᅅö galömurupᅅi aka Galili prowinsgö jitᅅememe bohonᅅi mi köᅅ öröm, eᅅᅅiiga kaba tatket. ²²Kaba tatketka Herodiasgö böratᅅan miri miaᅅgö uruᅅe kaᅅgota danis aliga Herod aka yambuk tebol liliköba tatkeri, yeᅅön miaᅅgö eksihimᅅi

ʷ 6.11 Apo 13.51 ʳ 6.13 Kemb 5.14 ʳ 6.14-15 Mat 16.14; Mak 8.28; Luk 9.19

ᅅ 6.17-18 Luk 3.19-20

gwötpuk mötket. Mewö mötketka kiñnönj ambi seramgöra kewö jiyök, “Böratni! Wani yuaigöra sihimgi mötzani, mi ölop qesinönga tököm gihimam.” ²³Mewö jiba keu mi jöjöpañ keunönj jim köhöiba kewö jii mörök, “Wani yuaigöra qesim niñgimani, mi mönö ölop gihimam. Yuai mi me mi me prowins galöm kölakzali, mi tok ölop endenja likepni kun gihibiga galömni akñan.”

²⁴Mewö jii möta yaigep anda namni kewö qesim wañgiyök, “Namni, ni mönö Kiñnönj wani yuaia niñgimapköra qesimam?”

Mewö qesim wañgiiga kewö meleñnök, “Mönö jinönga Jon O-melun azigö jölñi yandigetka nööröpni memba kaba niñgiman.”

²⁵Mewö meleñniga miangöreñök miri uruñe kiñkiñgöba kiñgöreñ öngöba kewö qesiba jiyök, “Kewöni! Nönön sihimnan kewö mötzal: Göñön mönö jimkutunönga Jon O-melun azigö jölñi yandiba nööröpni memba kaba köndenönj algetka mia döldöpki niñgiman.”

²⁶Mewö jiiga kiñgö uruñan kömbuhiiga wösöbirik mörökmö, jöjöpañ keuñan jöhöi ketaurupñan mi mötketka yeñgö jemesoholjine etpapuköra qeqesini andö qemangö möt lömböriba tököyök. ²⁷Tököba miangöreñök opotöröpni kun melaiba jiyök, “Gi mönö anda Jongö jölñi yandiba nööröpni memba kaman.” ²⁸Mewö jiba melaiiga kösö miri gwaröñe anda jölñi yandiba nööröpni memba kaba köndenönj ala ambi seram mi wañgiiga namni wañgiyök. ²⁹Jongö gwarekurupñan miangö buzupni möta anda qamötñi memba qaksirigö köt köteñnönj ala löm kölget. Mewö asuhuyöhañgöra kiñ Herodnönj könañgep Jisösgöra jiyök, “Jonönj mönö kömupnöhök guliba wahöta malja.” Mewö.

Jisösnönj azi 5000 nene gumohom eñgiyök.

Mat 14.13-21; Luk 9.10-17; Jon 6.1-14

³⁰Melai melai azi Aposol yeñön Jisösgöreñ kaba tokoba yuai memba ambazip kusum eñgigeri, miangö kösohotni pakpak jiget mörök. ³¹Jiget möriga ambazip totnönj totnönj qösösök kaba anda aketka silenini köñganiiga nene nembangö nalö qahö ahöyök. Miangöra Jisösnönj gwarekurupni kewö jii mötket, “Inini mönö kaba gölme kötikñe naninök malbingöra anda borom kun luhut meme.” ³²Mewö jiiga eñgömosöta wañgenönj öngöba gölme kötikñi kungen nanñinök malbingöra anget.

³³Angetka ambazipnönj mi eka gwötpukñan miangö buzupni möta taon aka miri dop miengöreñök gölme köna kiñkiñgöba mutuk anda miangöreñ angotket. ³⁴Angotketka Jisösnönj wañgenöhök eta ambazip kambu ketani eñgehiga lama galömni qahö tandök ilingösönj lañ malgetka yeñgöra wösöñi mörök. Wösöñi möta könahiba Buja keu könanj könanj kusum eñgiyök. Mewö.

° 6.34 Jan 27.17; 1 Kiñ 22.17; 2 Hist 18.16; Eze 34.5; Mat 9.36

Jisösnöñ azi 5000 nene gumohom engiyök.

³⁵Mewö aka maliga miri jeñan teköba gemamgö ahiga gwarekurupñan Jisösgöreñ kaba kewö jiget, “Böhi! Nini gölme kötikñi kiangöreñ malinga miri lök söñaumamgö akza. ³⁶Miangöra gi ölop ambazip ki melaim enginöñga miri aka koum dowe dowe tat anjei, miangöreñ anda numbu nenenjini söngöröñi memba neget.

³⁷Mewö jigetmö, kewö melenja jii mötket, “Enjön mönö nanñinak i nene gumohom engime.” Mewö jiiga jiget, “Nejön mönö denöwö akinto? Nup meme nalö 200:kö töwarji (Kina 1000,-) ahöza. Moneñ mia memba anda nene beret söngöröñi memba gumohom engibingöra jizan me?”

³⁸Mewö qesim wañgigetka jiyök, “Nanñine nene beret dawik ahöza? Mi anda eket.” Mewö jiiga gösöñjini qeañda jiget, “Beret 5 aka söra yahöt mia memba maljin.”

³⁹Mewö jigetka Jisösnöñ ambazip kambu kewö jim kutum engiyök, “Ambazip pakpak, injini mönö deñda nene nembangö kambu morömorö tokoba luplup görökñe geba tatket.” ⁴⁰Mewö jim kutum engiiga kambuñi kambuñi dowe dowe deñda tatket. Kirip tosatñi 100 aka tosatñi 50 mewö mewö tokoba tat anget. ⁴¹Tat angetka beret 5 aka söra yahöt mi memba Suepnöñ ui öngöiga kötuatköba beret mindipköba gwarekurupñi engiiga ambazip kirip dop mendeñda sutñine alget. Söra yahöt mi mewöyöhök kambu pakpak yengöra mendeñnök. ⁴²Mendeñniga ambazip körekmakörek memba nem timbireñ aket. ⁴³Nem timbireñ aka nene kitipñi kitipñi mosötkeri, mi gwarek yejön qezakögetka sakap 12 miangöreñ geba kokolak qeyök. Mewöyök söra kitipñi mi mem kiripköget. Mewö. ⁴⁴Azi beret negeri, yengö jañgöñjini mi 5000.

Jisösnöñ o añgö qakñe tiba tiba anök.

Mat 14.22-33; Jon 6.15-21

⁴⁵Neget teköiga Jisösnöñ miangöreñök gwarekurupñi jim kutum engiba kewö jiyök, “Injini mönö wañgenöñ öngöba qeljiñe o añgö kutuba likepñe Betsaida mire anme. Nöñön ölop nalö sutñe ambazip kambu ki melaim engibagun kamam.” ⁴⁶Mewö jiba yaizözkök jim engiba engubula kunduje öngöba köuluköyök. ⁴⁷Köuluköba mali mare ahiga nanñik kötikñi kunduje maliga wañgeninan añgö bibiñe anök. ⁴⁸Ani lökuatnöñ qeba qem bibihiba nañgöget aniga luhutnöñ angerangöreñök gila kai lömböriiga bömbömgöget. Miri awörañgöiga (3-6 kilok) miangöreñ Jisösnöñ mewö engeka o añgö qakñe tiba tiba gwarekurupñi yengöreñ Kaba engongitmamgö ahök. ⁴⁹O añgö qakñe tiba tiba kaiga eka “Köwet Songoriñnöñ kaza!” jiba könahiba qeta silatket. ⁵⁰Qeta silata körek i eka keñgötporiñ aketmö, Jisösnöñ miangöreñök keukeu jiba kewö jii mötket, “Alaurupni! Mönö ewebibiñinambuk saitñigit malme. Nanak kazal. Keñgötñjini kude mötme.” ⁵¹Mewö jiba yengöreñ wañgenöñ öngöiga

luhutnōj nōj qeba görōj alōk. Görōj aliga jōnōmņini undui önōji qahō aruget. ⁵²Mutuk beret mem sehiba gumohom enġiyōhi, miangō kōnaņi qahō mōt asarigetmō, uruņinan gwōzōņniga tok auruba tatket. Mewō.

Jisōsnōj Genesaret mala mem ölölowak nup meyōk.

Mat 14.34-36

⁵³O aņģō kutuba likepņe Genesaret mire aņģota waņģe mosōta saknōj geget. ⁵⁴Waņģe mosōta Saknōj gegetka ambazipnōj Jisōs miangōreņjōk mōt kutum waņģiget. ⁵⁵Mōt kutum waņģiba keu algetka kiņkiņģōba mindimindiri sel gölmeņine miri dop lilikōget. Lilikōgetka mōta kōnahiba kawōl ambazip kululunōj aņģum enġiba Jisōsnōj miri denike malōhaņģō dop enġuaņģita kaget. ⁵⁶Miri dop, taon, miri me koum kungō uruņe anōhaņģō dop kawōl ambazip enġuaņģita sombemeņine al enġiget. Al enġiba sileņe me Jisōs malukuņaņģō suņe misiribingō ulet waņģiba malget. Misirigeri, körek yejōn mōnō ölöwak tekōget. Mewō.

Ambōsakon yejōn keu kusum sohoget.

Mat 15.1-9

7 ¹Kōna keugō kapaņkōlkōl aka miangō böhi tosatņi Jerusalem sitinōhōk kageri, yejōn Jisōsgōreņ kaba tokoget. ²Nalō miangōreņ Jisōsgō gwarekurup tosatņan bōrōņini kude saņģoņda dom amōt qahō qeba nene negetka enġeka uruņini böliyōk.

³Farisi (Kōna keugō kapaņkōlkōl) aka Juda ambazip tosatņi pakpak yejōn ambōsakon yejōngō silikņini wuatangōba malget. Miangōra bōrōņini mutuk saņģoņ sorokōbagun nene nemalget. ⁴Mewōyōk nupnōhōk me maketnōhōk kamei, mutuk o utuba arim tōņjōratagun nene misirimalget. Mewōyōk kiwi qambi, kōzōkimbut aka jout pakpak mi saņģoņda amōt gemalget. Silik mewōņi mewōņi mi gwōtpuk wuatangōba malget.

⁵Miangōra Kōna keugō kapaņkōlkōl aka miangō böhi yejōn Jisōs kewō qesim waņģiget, “Gōhō gwarekurupkan wuanōņģōra ambōsakoninaņģō silikņini qahō wuatangōba bōrōņini domamōt qahō qeba tōndup nene neze.”

⁶“Mewō qesim waņģigetka kewō jii mōtket, “O urumeleņģō silesile ambazip, kezapqetok azi Aisaiānōj mōnō enġō kōnaņamņini törōrōk indela Buzup Kimbi kun kewō ohoi ahōza,

‘Ambazip kambu kianjōn mōnō numbu jitņinan ölöpņanōk göda qem niņģimakzemō, uruņinan nōnōņgan ak niņģiba kungen algetka körōwen ahōza.

⁷Mewō ahōiga nōņģō waikni öne tōhōn memba möpōseim niņģimakze.

Kōna keu kusum enġibin, jiba salupņe ambazip yejōngō jimkutukutuņini mi numbu o alakze.’

^d 7.6-7 Ais 29.13

⁸ Aisaiianöŋ mewö ohoyök. Injini mönö miaŋgö dop Anutugöreŋ jöjöpaŋ keu andö qeba ambösakonŋinanŋö silikŋi wuatangömakze. Mi qahö dop kölja.”

⁹ Mewö jiba kewö jiyök, “Nanŋini silikŋini walŋi wuatangöbingöra mönö ölöpŋanök Anutugöreŋ jöjöpaŋ keu qeapkömakze. ¹⁰ Miaŋgö keunŋi kun kewö: Mosesnöŋ kewö jim kutuyök, ‘Twinamgi mönö göda qem etkimakŋan,’ aiga ‘Kunŋan iwiŋi me namŋi qesuahömawi, i mönö qegetka kömuma.’ ¹¹ Mewö jim kutuyökmö, injini keu mi oŋgita kewö jimakze, ‘Kunŋan iwinamŋi yetköra kewö jima. Wösöni mötzal. Nöŋgö nanŋönanŋö yuaini buŋa qem aŋgubahorak, mi lök Anutugö danŋe tahaya albi ahöza. Mi saiwap naluköra kewöta albi ahöza. ¹² Kunŋan mewö jiiga dop kölma.’ Mewö jiba jöhöm waŋgigetka iwinamŋi yetköra baukbauk kun qahö toroqeba etkimakŋa. Mi qahö dop kölja. ¹³ Yei! Mewö aka nanŋini ahakmemenjanŋö silikŋini jim kutuba miaŋön Anutugöreŋ jöjöpaŋ keu utala omaŋi aka pömsöm qemakza. Injini yuai mewöŋi gwötpuk ahakze.” Mewö melenŋ eŋgiyök. Mewö.

Azi uru mi denöwö tölohoba lantiza?

Mat 15.10-20

¹⁴ Jisösnöŋ ambazip kambu kunbuk eŋgoholi kagetka kewö jii mötket, “Injini mönö körek keu ki kezap ala möt asarime. ¹⁵ Azi yaigepŋeyök yuai uruŋe gemakzawi, miaŋön mönö tölohom waŋgimamgö osimakzapmö, nanŋi urukönömŋeyök keu kota erakzawi, miaŋön mönö tölohom waŋgimakza. ¹⁶ Kunŋan kezapŋambuk malja ewö, yaŋön mönö keu ki kezap ala möt kutuma.” Mewö.

¹⁷ Jisösnöŋ mewö jiba ambazip kambu eŋgömosöta anda miri kunöŋ öŋgöyök. Öŋgöba tariga gwarekurupŋan dopkeu miaŋgö könanŋangöra qesiget. ¹⁸ Qesigetka kewö jii mötket, “O alaurupni, injini mewöyök mötmötŋini ölöpŋi qahö akze me? Nene yuai azi yaigepŋeyök uruŋe gemakzawi, mi tölohom waŋgimamgö osimakza. Mi möt kutuze me qahö? ¹⁹ Mi urukönömŋe qahö gemakzapmö, kömgokŋe geba yaigep erakza.” Jisösnöŋ keu mewö jiba miaŋön “Numbu nene pakpak mem sarahim teköyök.”

²⁰ Jisösnöŋ toroqeba kewö jiyök, “Azi urukönömŋeyök keu kota erakzawi, miaŋön mönö tölohom waŋgimakza. ²¹ Ambazip uru könömŋineyök yuai kewöŋi asuhuba korakza: Keu bölöŋi mötmöriba serowilin akingö mörakze. Yoŋgorö memba suŋa jinaŋ memba ambazip eŋguget kömumegö mörakze. ²² Qesabulum akingö mörakze. Membagu membingö nepaqepalok köpösöŋgömakze. Bidaŋda gatmisimisi, jiliwitŋi aka isimkakalek akingö mörakze. Lösö jiba urupik akingö mörakze.

^e 7.10 Eks 20.12; 21.17; Lew 20.9; Dut 5.16

Kezapjupjup aka körögisigisi akingö mörakze. Söngöröqök mala andöqeçe keu yöhösañ jiba Anutu mepaiköbingö mörakze. Jakbak-örañbörañ aka uruqahö ahakze. ²³Yuai bölöñji pakpak miañön mönö ambazip uru könömñineyök kota ambazip tölohom engimakza.” Mewö.

Kenan ambi kunñan kapañ köla köuluköyök.

Mat 15.21-28

²⁴Jisösnöñ wahöta Genesaret gölme mosöta siti qetñiri Taiö aka Saidon mietkö distrik qetñi Fonisia miangö uruñe anök. Anda miri kunöñ öngöba buzupñi kunñan mötpapuköra numbuñini muhungöyökmö, tündup tölapñe malmamgö osiyök. ²⁵Osiiga miangöreñök ambi kun börtatñi moröñan ömeñambuk maliga Jisösgö buzupñi möta yañgöreñ kaba könañe geba simin kölök. ²⁶Ambi mi Judaya qahöpmö, Grik keu jiba malök. Iwinamñan Siria prowinsgö Fonisiagöra. Yañön börtatñangö uruñeyök öme közölmapköra ulet wañgiyök. ²⁷Ulet wañgiiga kewö jii mörök, “Juda nini mutuk nanine nahönbörtaturupñini gumohom enjiinga bikñi enjuma. Miangöra morö yeñgö miriñineyök beret memba kiam enjiinga qahö dop kölbapuk. Juda nini kianurup enjö qetñini kiam qerakzin. Nöñön mutuk Juda ambazip bauköm enjigiba kantri tosatñi enjön mönö kiamgö dop mamböta malme.”

²⁸Mewö jii möta kewö meleñnök, “Kembu, mi ölop mötzalmö, kiam moröñi yeñön mönö mewöyök morö yeñgöreñ nene boromñi tebol bapñe eriga nemakze.”

²⁹Mewö meleñniga Jisösnöñ kewö jii mörök, “Keu mewö jizanañgöra ölop möt gihizal. Öme miañön mönö döлки börtatki mosöta anja. Miangöra ölop anman.”

³⁰Mewö jii möta miriñe ani ömenöñ börtatñi mosöriiga dumñe ahöiga ehök. Mewö.

Jisösnöñ azi kun möhamgöyök.

³¹Jisösnöñ kunbuk Taiö siti gölme mosöta Saidon sitinöñ anda ongita mösököba Ten-taon gölmegegö bibiñi ongita Galiligö o anjö kösutñe kayök. ³²Kaiga kezapduhup azi kun keuñi qahöwakñapakköra ahöhi, mi wañgita Jisösgöreñ kaget. Kaba böröñi nöropñe almapköra qesim wañgiget. ³³Qesim wañgigetka azi mi wañgita ambazip kambu mosöta kungen anohot. Anda Jisösnöñ börö suapñi kezapñe ala kinda kunbuk nanñi börö suapñe söutköba nesilamñe misiriyök. ³⁴Misiriba suepnöñ ui öngöiga osoñgombuk köuluköba nanñe keunöñ “Efata,” nanine keunöñ Tohonöñ! mewö jiyök.

³⁵Mewö jiiga kezapyahötñan tohoyohotka nesilamñan lolohoiga keuñi ölopñanök jiyök. ³⁶Jiiga Jisösnöñ miangö buzupñi ambazip jiget mötpepuköra qetal enjiyök. Qetal enjiba kapañ köliga yeñön mi kapañ

köla jim sehiba malget. ³⁷Jim sehiba malgetka ambazipnön kambönja welipköba kewö jiget, “Yuai pakpak ölopñanök ahakza. Kezapduhup kezapñini metohoiga mötketka ambazip mötökñi yeñgö nesilamñini pösariga keu jimakze.” Mewö.

Jisösnön ambazip 4000 nene gumohom engiyök.

Mat 15.32-39

8 ¹Nalö miangörej ambazip kambu ketanjan dumñe kunbuk tokoget. Nenejini qahö malgerañgöra Jisösnön gwarekurupñi engoholi yangörej kagetka kewö jii mötket, ²“Nönön ambazip kambu kiengöra wösöni mötzal. Yeñön nõngörej kaba wehön karöbut lök mala kotketka nenejini qahöwahiga ekzal. ³Yeñgöreñök tosatjan köröwenök kaba malgetka nõñön ‘Ölop miriñine anme,’ jibi nene qahö negetka öne melaim engibiga könanön anda mala kemañe jeñini gili tirinbirin akepek.”

⁴Mewö jiiga gwarekurupñan melenja kewö jiget mörök. “Gölme qararañkölkölñe kiangörej kunjan mönö denikeyöhök numbu nene mewöñi mi mönö miwikñaiba kambu ki gumohom engibawak?”

⁵Mewö möta kewö qesim engiyök, “Engörej beret dawik ahöza?” Qesim engiiga “Beret 7 ahöza,” jiget.

⁶Jigetka Jisösnön ambazip kambu mi gölmenön geba tatmegöra jim kutum engiiga geba tatket. Geba tatketka beret 7 mi memba Anutugö saiwap jiba mindipköba gwarekurupñi engiba ambazip kambu dop sutñine almegöra jiyök. Mewö jiiga miangö dop alget. ⁷Yeñgöreñ söra morömorö tosatñi mewöyök ahöyök. Mi tok memba kötuatköba ambazip kambu dop sutñine toto qem engimegöra jim kutuyök. ⁸Jim kutuiga engiget nema nem timbirengöget. Nem timbirengöba nene kitipñi mosötket geyöhi, mi sakap 7 miangörej qezakögetka numbuñe qeyök. ⁹Azi nene negeri, yeñgö jangöñi mi 4000. Negetka melaim engiiga miriñine anget. Mewö.

Böhi tosatjan angöletot ekingöra kapañ kölget.

Mat 16.1-4

¹⁰Angetka miangöreñök gwarekurupñi yembuk wañgenön öngöba distrik qetñi Dalmanuta miangörej anget. ¹¹^fFarisi (Köna keugö kapañkölköl) tosatjan miangörej kaba Jisösbuk könahiba jitnakölik aket. Keu bötaknön örömapköra esapköm wañgiba kewö kapañ köla qesiget, “Mönö jinönga Suepnöhök angöletot kun asuhuiga ekin.” ¹²^gMewö jigetka uruñan lömböriiga osongombuk qeiga jiyök, “O ambazip nalö kewöñe gölmenön maljei, iñini mönö wuanöngöra Anutugö aiwesök

^f 8.11 Mat 12.38; Luk 11.16 ^g 8.12 Mat 12.39; Luk 11.29

asuhumapköra kapan kölakze? Nönön keu ölni kun kewö jibi mötme: Anutunön aiwesök mewöni mi qahö memba kondel enggima. Omban saumban!”

¹³Mewö jiba engömosöta kunbuk gwarekurupni yembuk wangenön öngöba anjö kutuba likepne angotket. Mewö.

Farisi aka Herod yejön wösökömbuk ewö akze.

Mat 16.5-12

¹⁴Miangörej angota semön memingö ölum enjuiga beret mohot-töp mia wangenön memba tatket. ¹⁵^hTatketka Jisösnön kewö jim kutum enjiyök, “Inini Köna keugö kapankölköl (Farisi) yejgö wösökömbukjini aka Herodkö gipmi kakni mietköra mönö galömnjini meme. Mi ölöpnanjök qahö kewöta andö qegetka mietkön mönö yist ewö qariba mem bölim enjimahot.”

¹⁶Jiiga keu pasetni mi qahö möt asariba sutjine kewö eraum mötket. “Beretnini qahöpköra jiza me denöwö?”

¹⁷Mi eraum mötket kezapne geiga kewö jii mötket, “Wuanöngöra beretnini qahö jiba eraum mötze? Nöngö könanamni mi wuanöngöra qahö möt kutuze? Mi tok qahö möt asarize me? Urukezapnjan gwözönda tatza me? ¹⁸ⁱJenini ahözapmö, töndup qahö ek kutuze me? Kezapnini ahözapmö, töndup qahö möt asarize me? Yuai asuhuyöhi, mi ölum enjuza me qahö? ¹⁹Nönön beret 5 mi 5000 yejgöra mindipköbiga miangö kitipni qezakögetka könde dawiknön geba numbuine qeyök?” Qesim enjiiga “Könde 12,” jiget.

²⁰Jigetka toroqeyök, “Nönön beret 7 mi 4000 yejgöra mindipköbiga miangö kitipni qezakögetka sakap dawiknön geba kokolak qeyök?” Qesim enjiiga sakap 7 jiget.”

²¹Jigetka jii mötket, “Miangöra könanamni mi mönö tok qahö möt asarize me?” Mewö

Jegömöl azi kun jeñi metohoyök.

²²Jisösnön gwarekurupni yembuk Betsaida taonön kaget. Miangörej kaba jegömöl azi kun wangita Jisösgörej kangota börönan misirimapkö köuluköm wangiget. ²³Köuluköm wangigetka jegömöl azi mi böröne memba wangita miri yaigepne anohot. Anda söutnezit jeñe ala böröni nöropne ala qesim wangiyök, “Yuai kun ekzan me qahö?”

²⁴Qesim wanggiiga jeñi ui öngöiga jiyök, “Ambazip engekzalmö, mi ip tandöktandök aketka imutimutanök engekiga anda kaba kinje.”

²⁵Mewö jiiga kunbuk börönan jeyahötni misiriiga tohoyohotka törörök uiga asarim sölölöngöiga yuai pakpak ölöpnanök ek teköyök.

^h 8.15 Luk 12.1 ⁱ 8.18 Jer 5.21; Eze 12.2; Mak 4.12

²⁶Ek teköiga melaim wanğiba kewö jii mörök, “Gi miri kungen kude anmanmö, diñdiñanök nangi mirige anman.” Mewö.

Pitönöñ Jisösgö könani jim miwikñaiyök.

Mat 16.13-20; Luk 9.18-21

²⁷Jisösnöñ Betsaida mosöta gwarekurupñi yembuk Sisarea Filipai taongö kösutñe anget. Könanöñ anda gwarekurupñi kewö qesim enğiyök, “Ambazipnöñ nöngöra denöwö jimakze? Ni niñia akzal?”

²⁸Jiiga melenđa kewö jiget, “Tosatñan ‘Gi Jon O-melun azia akzan,’ jimakzemö, tosatñan ‘Gi Elaija akzan,’ jimakze aka tosatñan toroqeba kewö jimakze, ‘Gi kezapqetok azi walñi yengöreñök kun akzan.’

²⁹^kMewö jigetka kewö qesim enğiyök, “Aka nanñinak nöngöra denöwö jize? Ni niñia akzal?” Qesim enğiiga Pitönöñ kewö meleyenök, “Gi Anutugöreñ Amötqeqe Tonji Kraist akzan.”

³⁰Mewö jiiga könani aukñe jiget kunñan mötpapuköra soñgo köhöikñi al enğiyök.

Jisösnöñ kömumamgö keuñi jiyök.

Mat 16.21-28; Luk 9.22-27

³¹Jisösnöñ gwarekurupñi könahiba kewö kusum enğiyök, “Suep gölmegö azi ölnan mönö sihimbölö gwötpuk mötma. Kantrigö jitñememe, jike nup galöm aka Köna keugö böhi yeñön mönö andö qeba qegetka kömuma. Kömui wehön karöbut teköiga kömupnöhök wahötma.”

³²Jisösnöñ keu mi qahö köyatiba aukñe jiiga Pitönöñ miangöreñök öröm wanğiba görane anda könahiba qetal wanğiyök. ³³Qetal wanğiiga lilingöba gwarekurupñi uba engeka Pitö qetala kewö jim wanğiyök, “Gi keu mötmörizani, mi Anutugöreñ keuya qahöpmö, gölme ambazip aka Satangö sihima. Miangöra Satan, gi mönö döлки nöngö jemesoholneyök kesalnöñ.” Mewö.

Kraist wuatangöbingö söngöröñi.

³⁴^lJisösnöñ ambazip kambu aka gwarekurupñi enğoholi kagetka keu kewö jii mötket, “Kunñan nöngö andöne kamamgö mötzawi, yanñön mönö nanñi urusileñangö sihim kömbönañi bölöñi andö qeiga sisitñi megetka sihimbölö mi bisimakña. Mi maripomnöñ kömumawangö dop mökösoñđa ni nuatangöba kama. ³⁵^mKunñan malmalñi nanñangöra añgön köla nanñi imbi-imbi maljawı, yanñön mönö malmalñi ölni jöhöi sohoma. Sohomapmö, kunöñ gölmegö malmalñi mi ni aka nöngö Ölöwak Buñanangöra aka kölenđa tököm niñimawi, yanñön mönö malmal

^j 8.28 Mak 6.14-15; Luk 9.7-8 ^k 8.29 Jon 6.68-69 ^l 8.34 Mat 10.38; Luk 14.27

^m 8.35 Mat 10.39; Luk 17.33; Jon 12.25

öljanğö könani miwikjaiba köhöiba malma. ³⁶Kunjan gölmeni gölmeni miengö öröyuaŋi pakpak köl öröi bujanŋi an teköiga uruŋanğö malmalŋi mem sohoba silebile mala kömuiga Anutunön keuŋi jim teköiga uŋajan ayuhuiga qahö dop kölma. Sukinapŋi miaŋön mönö urusösöŋgai qahö ak waŋgima. Qahöpmaöhöp! ³⁷Körek neŋön mönö bohonini jöhöbingö osibin. ³⁸Ambazip kambuŋi kambuŋi nalö kewöŋe gölmenön qesabulum aka siŋgisöndok tosatŋi aka malakze. Kunjan yeŋgö sutŋine nöŋgö qetŋi aka Buŋa keuni memba et aljawi, mi Suep gölmegö azi öljan mewöyök ehörön kölma. Yaŋön könanğep Suep garata töröŋi yembuk ki etketka Iwiŋanğö asakmararaŋi eka aurugetka yaŋön azi me ambi mewöŋi mönö ehörön köl waŋgima.” Mewö.

9 ¹Mewö jiba kewö jii mötket, “Nöŋön keu ölni kun kewö jibi mötme: Kiaŋgöreŋ kinjei, eŋgö sutŋineyök tosatŋan Anutunön bemtohoŋi kuŋguiga kukösumŋan asuhumawi, mi ek kutume. Jebuk mala kömupkö sihibölöŋi qahö mötketka asuhum tiŋgiriğa ekje.” Mewö.

Jisösgö sileŋe letotqetot ahök.

Mat 17.1-13; Luk 9.28-36

²“Wehön 6 teköiga Jisösnön Pitö, Jeims aka Jon eŋguanğita ambazip eŋgömosöta nanŋinök kunduŋi köröpŋi kunön öŋgöba kötikŋe malget. Miaŋgöreŋ malgetka jemesoholŋine kiniga Jisösgö sile tandökŋan letota murutŋi ahök. ³Malukuŋan tuat lalamŋi asakmararaŋambuk ahök. Gölmönön opo tuatŋi saipenön (omo bliz) saŋgoŋmakzei, mönö mi oŋgita tuariyök. ⁴Mewö aiga Elaija aka Moses yetkön asuhum eŋgiba Jisösbuk keukeu jiget. ⁵Jigetka Pitönön könahiba keu jiba Jisösgöra kewö jiyök, “Ketaŋamnini! Neŋön kiaŋgöreŋ uruölöwak mötzin. Miaŋgöra neŋön ölop koum karöbut qebin: Göhö kun, Mosesgö kun aka Elaijagö kun.” ⁶Gwarek yeŋön jönömŋini gwötpuk unduiga Pitönön “Denöwö jimam,” jiba keu jaruyök.

⁷Keu jaruba kiniga unuŋunuŋ tuat lalamŋi asakmararaŋambuk kunön eta aumŋan esuhum eŋgiiga miaŋgö uruŋeyök qet kun kewö eriga mötket, “Azi ki nani wölböt nahöna akza. Mönö yaŋgö keuŋi möta malme.” ⁸Keu mi möta könöpuk liliŋgöm purik um jaruba tosatŋi kunbuk qahö etkeketka Jisösnön nanŋök yembuk kinök. Mewö.

Jon O-melun azi mi Elaijagö salupŋi akza.

⁹Kunduŋeyök etketka Jisösnön sörokŋi miaŋgöreŋ kewö jim kutum eŋgiyök, “Iŋini yuai ekzei, miaŋgö buzupŋi mi mönö ambazip kun kude jiget mötme. Suep gölmegö azi öljan kömupnöhök wahöriga miaŋgö andöŋe mi ölop jim asariba malme.”

^a 9.2-7 2 Pitö 1.17-18 ° 9.7 Mat 3.17; Mak 1.11; Luk 3.22

¹⁰Mewö jim kutum enjiiga gwarekurupni karöbut yeñon keu mi uruñine anğon köla “kömupnöhök wahötwahötkö” könani mi nanjini qesim anğuba eraum mötket. ¹¹Eraum möta Jisös kewö qesim wañgiget, “Köna keugö böhi yeñon mönö keu kewö jimakze, ‘Kezapqetok azi Elaijanöñ mönö Suepnöhök mutuk eta asuhuma.”

¹²Qesim wañgigetka melenđa kewö jiyök, “Elaijanöñ mutuk eta asuhuba malmal pakpak möhamgöma. Keu mi ölña akzapmö, keu kun ki mönö wuanöngöra ohoget ahöza: Suep gölmegö azi ölñan mönö sihimbölö gwötpuk möriga jijiwilit ak wañgime.” ¹³Keu yahöt mi ahözahotmö, nöñon kewö jibi mötme: Elaijanöñ lök eta asuhuyökmö, wañgöra Buña keu ohoget ahözawañgö dop ambazipnöñ i nanjini sihimñini wuatangöba lañ ak wañgiget.” Mewö.

Jisösnöñ öme wuatangöi morönöñ ölöwahök.

Mat 17.14-21; Luk 9.37-43

¹⁴Jisös aka gwarek karöbut yeñon kunduneyök eta gwarekurupni tosatni yeñgöreñ kaba yuai kewö eket: Köna keugö böhi tosatñan kinda yembuk jitnakölik aka goranora keu jigetka ambazip jesöñgöñan liliköba engeka kinget. ¹⁵Mewö kinda ambazip kambu pakpak yeñon Jisös eka miangöreñök auruba kiñkiñgöba kösutñe anda jölöñi jiget. ¹⁶Jölöñi jigetka kewö qesim enjiyök, “Injini wanatköra yembuk jitnakölik aka goranora keu jize?”

¹⁷Qesim enjiiga kambuneyök azi kunöñ melenđa kewö jii mörök, “Böhi! Nöngö nahöni ömenöñ numbuñi muhungöba töñöt mem wañgiiga wañgita göhöreñ kazal. ¹⁸Mi miangöreñ me miangöreñ mamba mendawöla öröm giliga eta qeba numbuñeyök qölqöl söutsöt eriga irimñi yöhözömgöba silenñan sölöpkömakza. Mewö ahiga kaba göhö gwarekurupki ulet enğiba öme mi wuatangömegö jizalmö, yeñon osize.”

¹⁹Mewö jiiga melen wañgiba jiyök, “Gölmegö wañgiseñ ambazip yei! Mönö nalö dawik embuk mala qatön enğubiga Anutu qahö möt narigetka sihimbölö mötmam. I mönö wañgita nöñgöreñ kaget.

²⁰Mewö jiiga wañgita wañgöreñ kaget. Kagetka ömenöñ Jisös eka miangöreñök morö utuköba urepköm wañgiiga wölöhariba tala gölmenöñ qeba pörañpörañ mitiba semben auba ahöiga numbuñeyök qölqöl söutsöt kota erök. ²¹Jisösnöñ mi eka iwiñi kewö qesim wañgiyök, “Nalö dawikö dop yuai ki lök asuhum wañgiiga kotza?” Qesim wañgiiga jiyök, “Mi lök morörökneyök asuhum wañgiyök.

²²Mi mem bölim wañgimamgöra nalö tosatñe könöpnöñ, nalö tosatñe onöñ metal wañgiiga nalö gwötpuk geba qebayök kinahakza. Mewömö, miangö kukösumñi kun göhöreñ ahöza ewö, mönö ak kömumba bauköm netkiman.”

¶ 9.11 Mal 4.5; Mat 11.14

²³Mewö jiiga jiyök, “‘Kukösumŋi göhöreŋ ahöza ewö,’ jizan. Anutugö kukösumŋan mönö yuai kungöra qahö qakömakza. Anutu möt narizawaŋön mönö yuai pakpak ölop ahakŋa.”

²⁴Mewö jiiga iwiŋan miangöreŋök qeta jiyök, “Anutu möt narizalmö, mötnariŋnan lölöwöröŋi akza. Mötnariŋni mönö mem köhöiman.”

²⁵Jiiga ambazip jesöŋgöŋan ösumŋinan kaba kingetka eka miangöra öme mi kewö jim waŋgiyök, “Gi töŋöt aka kezapduhupkö ömeŋi, nöŋön jim kutum gihizal: Gi mönö azi ki mosöta kota anda kunbuk kude lilingöba kaman.”

²⁶Jim waŋgiiga qeta silata morö mi utuköba könöpuk urepköm waŋgii wölöhariiga utala kota anök. Kota aniga qeba qamöt tandök aka ahöiga gwötpukŋan mi eka “Wösöŋi alja!” jiget. ²⁷Mewö jigetmö, Jisösnöŋ böröŋe memba köbibiiga wahöta kinök.

²⁸Mewö kiniga Jisösnöŋ miri uruŋe öŋgöiga gwarekurupŋan nanŋinök tata kewö qesim waŋgiget, “Neŋön mönö wuanöŋgöra mi naninök wuatangöbingö osizin?”

²⁹Qesim waŋgigetka kewö jii mötket, “Öme tandökŋi mewöŋi mi mönö köuluköba nene ŋiŋi mala wuatangöbin. Yuai murutŋi kun ahinga qahö kota anma.” Mewö.

Jisösnöŋ kömumamgö Buŋaŋi jiiga yahöt ahök.

Mat 17.22-23; Luk 9.43b-45

³⁰Jisösnöŋ gwarekurupŋi yembuk miri gölme mi mosöta anda Galili prowins uruŋe liliköba denike malgeri, mi kunŋan mötmapkö tököyök. ³¹Mia tököba gwarekurupŋi kusum engimamgöra ölöŋ anget. Könanöŋ anda keu kötŋi kewö jii mötket, “Anutunöŋ Sup gölmegö azi ölöŋi mi gölme ambazip yeŋgö böröŋine al waŋgii gema. Geiga i qegetka kömuma. I qeget kömui wehön karöbut teköiga miangöreŋ mönö kömupnöhök wahötma.”

³²Keu kötŋi mewö jii mötketmö, mi qahö möt kutuget aka könaŋi denöwö, mi qesibingö kölköldömdöm aket. Mewö.

Gwarek sutŋine daŋön mutukŋi akza?

Mat 18.1-5; Luk 9.46-48

³³Mewö anda Kaperneam taonöŋ kaŋgotket. Miangöreŋ kaŋgota nanŋi miri uruŋe öŋgöba gwarekurupŋi kewö qesim eŋgiyök, “Inŋi Könanöŋ kaba wani keuya eraum mötze?”

³⁴Yeŋön könanöŋ kaba ‘Daŋön öŋgöŋgöŋi akza’ mia nanŋinök eraum möta kaget. Miangöra qesim eŋgiiga keu böc tatket. ³⁵Keu böc tatketka Jisösnöŋ geba tata gwarekurupŋi 12 eŋgoholi kagetka kewö jii mötket,

¶ 9.34 Luk 22.24 ¶ 9.35 Mat 20.26-27; 23.11; Mak 10.43-44; Luk 22.26

“Kunjan mutukni malmangö mötza ewö, yañön mönö körek enjö nembö bapjine eta qöndökni aka tosatni pakpak welen qem enjimakña.”³⁶ Mewö jiba namande moröni kun memba sutjine ali kinök. Kiniga böröjan memba tambuqe ala kewö jii mötket,³⁷ “Kunjan namande kewöni kun nöngö qetne miriñe köl öröba köyan kölmawi, yañön mönö ni köl öröm ningima. Kunjan mewö ak niñgizawi, yañön niyök qahöpmö, dañön melaim niñgiyöhi, mönö i mewöyök köl öröm wañgima.” Mewö.

Jisösnöñ gwarekurupni mindiñgöm enjiyök.

Luk 9.49-50

³⁸ Jonöñ Jisös kewö jii mörök, “Böhi! Nini azi kun neñgö andönine qahö kayöhi, yañön göhö qetnön ömewöröme közöl enjiiga ehin. Yañön nembuk qahö liliköba maljawañgöra nini i qetal wañgiin.”

³⁹ Mewö jiiga Jisösnöñ jiyök, “I kude qetal wañgime. Kunjan nöngö qetni qeta añaöletot mezawi, yañön mönö miangö andöñe nöngö andöqeqe keu awamñanök jimamgö osima. ⁴⁰ ‘Kunjan qahö qetal neñjimakzawi, yañön mönö neñgö areñnön malja. (Miangöra nöngö alaurupni tosatni mi kude qetala añaösirip meme.) ⁴¹ ‘I mönö nañgöm enjigetka Anutunön töwañini enjima. Kunjan Kraistkö qetne yañgö buñaji akzeañgöra aka o qambi nemegö enjimawi, Anutunön mönö miangö töwañi melenja wañgima. Nöñön keu ölni kun kewö jibi mötme: Nañgöm enjimei, mienñön mönö töwa meme.” Mewö.

Siñgisöndokö kölgorom mönö qetal enjime.

Mat 18.6-9; Luk 17.1-2

⁴² Jisösnöñ keu kewö jiyök, “Morö kewöni möt narim niñgizei, kunjan yengöreñök kun kölgorom ak wañgiiga siñgisöndok akñawi, azi miññön mönö lömböt öngöñgöñi miwikñaima. Anutunön lömböt miangö likepni denöwö wañgiiga dopne akawak? Kemuñ jamönjin jölñe jöhöba köwet röndumnön gilget mulumgöi gebawak, miññön mönö awamni ahum wañgii tandök akawak. ⁴³ ‘Miangöra börögan siñgisöndok akñangö kölgorom ak gihima ewö, mönö yandim gilman. Yandim gilagun börötak mala malmal köhöikni miwikñaiba oyaenköyaen akñanmö, börö yahötpuk mala könangep könöp sianön gebanbuk. Sia könöpni mi nalö kunön qahö bököma. ⁴⁴ Miangöreñ ‘Döhönini enjöñöm pilikuta mala qahö kömume aiga könöpñinan nalö kunön kude bököma.’

⁴⁵ Mewöyök könagan siñgisöndok akñangö kölgorom ak gihima ewö, mönö yandim gilman. Yandim gilagun könatohot mala malmal köhöikni miwikñaiba oyaenköyaen akñanmö, köna yahötpuk malnöñga könöp

^s 9.37 Mat 10.40; Luk 10.16; Jon 13.20 ^t 9.40 Mat 12.30; Luk 11.23 ^u 9.41 Mat 10.42

^v 9.43 Mat 5.30

sianön gil gihigetka gebanbuk. ⁴⁶Miangören ‘Döhönini engöhöm pilikuta mala qahö kömume aiga könöpñinan nalö kunön kude bököma.’

⁴⁷“Mewöñanök jegan siñgisöndok akñangö kölgorom ak gihima ewö, mönö qözöla gilman. Qözöla gilangun je-ilik mala Anutugö bemtohoñnön aḡgota oyaenköyaen akñanmö, je yahötpuk malnönnga könöp sianön gil gihigetka gebanbuk. ⁴⁸“Miangören ‘Döhönini engöhöm pilikuta mala qahö kömume aiga könöpñinan nalö kunön kude bököma.’

⁴⁹Könöp sia miangören ambazip körek mi howe sihi kölköl ewö könöpñön engohogetka sihimbölöñi mötme.

⁵⁰“Howe mi ölöpñi akzapmö, howegö sihimñi mosötma ewö, mi mönö denöwö möhamgögetka nahömñi kunbuk ahubawak? Inini mewöñanök urumohot malmalgö nahömñi mosötpepuk. Miangöra Suep howeñini mosötpepuköra mönö galömñini memba sutñine luai qem aḡguba malme.” Mewö.

Awanöm aḡgömosötmosötkö keunji

Mat 19.1-12; Luk 16.18

10 ¹Jisösnön wahöta Kaperneam miri mosöta Jordan o kutuba likepñe anda mötöteiba eta kunbuk o mi kutuba Judia prowinsnön kayök. Kaiga ambazip kambulelembenön kunbuk yaḡgören tokogetka akmalöhi, miangö dop kunbuk kusum engiyök.

²Kusum engiiga Farisi (Köna keugö kapañkölköl) tosatñan yaḡgören kaba keugö bötaknön örömapkö esapköm waḡgiba kewö qesim waḡgiget, “Azinön anömñi mosötmawi, mewö miangön Köna keu ongitma me qahö?”

³Qesim waḡgigetka melenḡa kewö jii mötket, “Mosesnön miangö keunji denöwö jim kutum engiiga ahöza?”

⁴“Mewö jii möta kewö jiget, “Azinön aḡgömosötmosöt papia ohoba anömñi ölöp mosötma. Mosesnön mewö jim kutui ahöza.”

⁵Mewö jigetka kewö jim engiyök, “Yaḡñön mönö uruköhöikñinangöra aka jimkutukutu mewö ohom engiyök. ⁶“Ohom engiyökmö, Anutunön könakönahine yuai pakpak miwikñaiyöhi, nalö miangörenök ‘Azi aka ambi malmegöra miwikñaim engiyök.’ ⁷“Miangöra azinön mönö iwinamñi etkömosöta anömñangören anda qekötahöiga ⁸yetkөн sile mohot aka malmahot. Mewö aka toroqeba yahöt qahö akzahotmö, sile mohot aka malmahot. ⁹Anutunön azi aka ambi mindirim etkiyöhi, ambazip kunñan mönö i kude menden etkima.”

¹⁰Jisösnön mewö jiba miri uruñe öḡgöiga gwarekurupñan keu miangöra kunbuk qesim waḡgiget. ¹¹“Qesim waḡgigetka kewö jii mötket, “Azi kunön anömñi wuatangöba ambi kun memawi, yaḡñön mönö

^w 9.47 Mat 5.29 ^x 9.48 Ais 66.24 ^y 9.50 Mat 5.13; Luk 14.34-35 ^z 10.4 Dut 24.1-4; Mat 5.31 ^a 10.6 Jen 1.27; 5.2 ^b 10.7-8 Jen 2.24 ^c 10.11-12 Mat 5.32; 1 Kor 7.10-11

qesabulum sero yongorö akña. ¹²Mewöyök ambi kunöŋ apñi wuatangöba azi kun memawi, yañön mönö qesabulum sero yongorö akña.” Mewö.

Jisösnöŋ nahönbörat kötuetköm enġiyök.

Mat 19.13-15; Luk 18.15-17

¹³Ambazip tosatñan nahönbörat morömorö enġuangita Jisösnöŋ enġömisirimapköra yaŋgöreŋ kagetmö, gwarek yeñön ambazip mi jim qetal enġiget. ¹⁴Mewö aketmö, Jisösnöŋ mi eka uruñi böliiga kewö jii mötket, “Nahönbörat moröŋi mönö enġömosötketka nöŋgöreŋ kame. Anutunöŋ ambazip mewö mia bemtohoñi buña qem enġima. Miangöra i kude jöhöm enġime. ¹⁵“Nöŋön keu ölni kun kewö jibi mötme, “Kunñan Anutugö bemtohoñi mi nahönbörat ewö buña qahö qem aŋgumawi, yañön mönö miangö uruñe aŋgotmamgö osima. ¹⁶Mewö jiba tambuñe ala dohongöm enġiba böröŋi nööröŋine ala kötuetköm enġiyök. Mewö.

Jisösnöŋ azi pomñi kungö qambaŋ keu jiyök.

Mat 19.16-30; Luk 18.18-30

¹⁷Jisösnöŋ könahiba köna anmamgö ahiga azi kunöŋ ösumñan yaŋgöreŋ kayök. Kaba wösöŋe geba simin köla kewö qesim waŋgiyök, “Böhi ölöŋñi, nöŋön mönö denöwö aka malmal köhöikñaŋgö buña qem aŋgubilenak?”

¹⁸Qesim waŋgiiga kewö jii mörök, “Nöŋgöra ‘Böhi ölöŋñi,’ mi wuanöŋgöra jizan? Anutu mohotñan ölöŋñi akza. Azi kunñan i ewö ölöŋñi qahö akza. ¹⁹“Gi jöjöpaŋ keu ki möt teközan,

‘Ambazip kun kude qenöŋ kömuma. Sero yongorö kude akñan.
Yongorö kude meman. Jitnöŋ alal keu kude jiman.

Kalöpköba yongorö kude meman. Iwinamgi mönö göda qem etkimakñan.’”

²⁰Mewö jii möta kewö jiyök, “Böhi, mi pakpak mönö gwaböneyök tem köla mala kotzal.”

²¹Mewö jiiga Jisösnöŋ uba eka urukönömñan jöpaköm waŋgiba kewö jii mörök, “Mohot kungöra kewö osizan: Gi mönö anda sukinapki pakpak söŋgöroŋi memegöra alnöŋ moneŋ kaiga ambazip wanapñi engiman. Mewö aknöŋga sukinapki ketañi (guli masapugi milyön kinagi ewö) ketañi mi Sup mire ahöm gihima. Mewö aka ni nuatangöba kaman.”

²²Jisösnöŋ mewö jiyökmö, sukinapñi gwötpuk ahöyöhaŋgöra aka keu mi möta uruñi bosoleiiga wösöbirik aka jeñi asöliiga öne mosöta anök.

²³Mosöta aniga Jisösnöŋ ui anda kaiga gwarekurupñi kewö jii mötket, “Ye! Ambazip moneŋ inapñinambuk yeñön mönö Anutugö bemtohoñnöŋ aŋgotpingö lömböriba kupuk-kapak akñe.”

^d 10.15 Mat 18.3 ^e 10.19 Eks 20.12-16; Dut 5.16-20

²⁴Mewö jiiga gwarek yeñon mi möta welipkögetmö, Jisösnöñ toroqeba kewö jii mötket, “Gupanurupni, ambazip denike yeñon monen inapñini möt narimakzei, yeñon mönö Anutugö bemtohoñ uruñe aᅅgotpingö lömböriba kupuk-kapak akñe. ²⁵Mi kewö jim tuarimam: Sömbup ketañi kamel mi kondi kinimñe ölop qahö aᅅgotma. Mianᅅgö dop ambazip pomñi yeñon Anutugö bemtohoñ uruñe aᅅgotpingö lömböriba qaköme.”

²⁶Mewö jii möta aurum tililingöba nanñinaᅅgöra kewö jiget, “Opopoñ! Ambazip dañon mönö Suepkö buñaya akawak?”

²⁷Mewö jigetka Jisösnöñ uba enᅅeka kewö jiyök, “Ambazipnöñ mi esapköba osiba qakömakzemö, Anutunöñ mewö qahö ahakza. Anutunöñ mönö yuai pakpak ölop ahakza. Yañon yuai kun aka memamᅅgö qahö osiba qakömakza.” Mewö.

Jisösgö nup memegö töwañi

²⁸Pitönöñ keu mi möta meleñda Jisös kewö jii mörök, “Mötnöñ, neñon mönö yuai pakpak mosöta gi guataᅅgöba kain.”

²⁹Mi möta Jisösnöñ kewö jiyök, “Nöñon keu ölni kun kewö jibi mötme: Kunñan nöᅅgö aka Ölöwak Buñagöra aka yuai kun mosöröhi, - mi jike miriñi, darumunñi, nenbehötñi, iwinamñi, nahönböratñi me nup kisiñi - mi enᅅömosöriᅅa Anutunöñ mönö mianᅅgö likepñi oᅅgita meleñ waᅅgiiga sehma. ³⁰Kunñan yuai mi mosöröhi, Anutunöñ mönö salupñe mi 100:kö dop toroqeba waᅅgiiga nanñi buñaya akñe. Gölmegö malmalnöñ sesewerowero uruñe malmapmö, jike miri, darumun, nenbehöt, iwinam, nahönbörat aka nup kisi mi mönö salupñe ahum waᅅgima aka nalö könᅅepñe malmal köhöikñi teteköñi qahö buña qem aᅅguma. ³¹Mewö asuhumapmö, mutukñi enᅅöreñök gwötᅅukñan dagibezupñi aketka dagibezupñi yeᅅöreñök gwötᅅukñan mutukñi akñe.” Mewö.

Kömumamᅅgö keuñi jiiga karöbut ahök.

Mat 20.17-19; Luk 18.31-34

³²Jisösnöñ gwarekurupñi yembuk Jerusalem sitinöñ öᅅgöbingöra gölme köna anet. Jisösnöñ mutuk aniga gwarekurupñan andöñe anda welipköget aiga ambazip andöñine kageri yeñon mönö keᅅgötñini mötket. Mewö aketka Jisösnöñ gwarekurupñi 12 mi kunbuk öröm enᅅgiba könahiba kusum enᅅiyök. Yaᅅöreñ yuai asuhumawi, keu mi jim asariba kewö jiyök, ³³“Mötket, nini Jerusalem öᅅgöbin. Mianᅅöreñ kunñan Suep gölmegö azi ölni mamalolo mem waᅅgiiga jike nup galöm aka Köna keugö böhi yeᅅgö böroñine gema. Yeñon kömumapkö keuñi jim teköba kian gawman yeᅅgö böroñine al waᅅgime. ³⁴Al waᅅgigetka mepaiköba söutkölap qeba ihilek wahinambuknöñ tauköm waᅅgime.

^f 10.31 Mat 20.16; Luk 13.30

Tauköm wanġiba qegetka kómuma. Kómumba wehön karöbut teköiga kómupnöhök wahötma.” Mewö.

Jeims Jon yetkön yuaigöra ulerohot.

Mat 20.20-28

³⁵ Jisösnöŋ mewö jiiga Jebedigö nahönyahötŋi Jeims aka Jon yetkön yaŋgöreŋ anda kewö jiyohot, “Böhi, niri yuai kungöra ulet gihiziri mi ak netkimangö mötzit.”

³⁶ Jiyohotka qesim etkiyök, “Iŋiri wani yuai ak etkimamgöra mötzahot?”

³⁷ Qesim etkiiga kewö jiyohot, “Göŋön ölop jim kutunöŋga niri göhö asakmararaŋnöŋ eu öŋgöba kunöŋ börögi ölnje aka kunŋan börögi qaniŋe tata yuai pakpak galöm kölbinak.”

³⁸ Mewö Jiyohotmö, Jisösnöŋ kewö jii mörohot, “Iŋiri miangö könaŋi qahö möt yaköba uletzahot. Nöŋön qambi asölŋambuk nemami, iŋiri mi ölop nempa sihimbölö mötmahot me qahö? Jöm nöŋgwambuknöŋ melun mem niŋgimei, iŋiri mi memahot me qahö?”

³⁹ Jii möta jiyohot, “Mi ölop membit.”

Jiyohotka kewö jii mörohot, “Mi ölnja! Nöŋön qambi asölŋambuk nemami, iŋiri mi mewöŋanök nemahot aiga jöm nöŋgwambuknöŋ melun mem niŋgimei, miangön mönö iŋiri mewöyök melun mem etkime. ⁴⁰ Mem etkimemö, nöŋgö böröni ölnje me qaniŋe daŋön tatmahori, nöŋön keu mi jim kutumamangö dop qahö. Anutunöŋ dum yahöt mi denike yetköra mözözömgöyöhi, mi mönö yetköra etkiiga nömbuk tata galöm kölmahot.” Mewö.

Galöm ölnjan mönö welenqegeya akza.

⁴¹ Jeims Jon yetkön mewö ulerohotka alaurupŋi 12 yeŋön mi möta könahiba urubölö aket. ⁴² Mewö aketmö, Jisösnöŋ eŋgoholi kagetka kewö jii mötket, “Gölmegö kantriŋi kantriŋi miengö jembonŋinan galöm köl eŋgibingö jizei, yeŋön mönö azi kembu tandök ak eŋgimakze. Yeŋgö ketaŋamŋinan mönö keu jim kutuba mindiŋgöm eŋgiba kukösumŋini kondelakze. Iŋini könaŋini mi ölop mötze. ⁴³ Eŋgö sutŋine silik mewö ahöbapukmö, kunŋan eŋgö sutŋine ketaŋamŋini akŋamgö mötzawi, yaŋön mönö welen qem eŋgiba malma. ⁴⁴ Mewöyök kunŋan eŋgö sutŋine mutukŋi malmangö mötzawi, yaŋön mönö körek eŋgö nembö bapŋine mala welenqegeŋini omanŋi akŋa. ⁴⁵ Suet gölmegö azi ölnjan mönö mewöyök silik mewöŋi kondela nanŋi welen qem wanġimegöra aka qahö kayök. Qahöpmö, welen qem eŋgiba ambazip sehisehiŋi yeŋgö sohopŋini memamgöra aka eta malmalŋi kölenġa mosötma.

^s 10.38 Luk 12.50 ^h 10.42-43 Luk 22.25, 26 ⁱ 10.43-44 Mat 23.11; Mak 9.35; Luk 22.26

Bartimeus jeŋi gômöliiga mem ölöwahök.

Mat 20.29-34; Luk 18.35-43

⁴⁶Jisösnöŋ gwarekurupŋi yembuk Jeriko sitinöŋ kaget. Kaba siti mi mosötpingö aketka ambazip kambulelemenbenöŋ enguatangöba andöŋine kaget. Mewö kagetka jegömöl azi qetŋi Bartimeus, Timeusgö nahönŋi yaŋön monen aka nene waŋgimegö ulet engiba köna jitŋe tarök. ⁴⁷Tariga “Nazaret-azi Jisösnöŋ kaza!” jiget möta könahiba kewö qerök, “Jisös Deiwidkö gwölönarökŋi, mönö ak-kömum niŋgiman!”

⁴⁸Mewö qeriga gwötpukŋan bök tatmapköra qetal waŋgigetmö, yaŋön mönö kapaŋ köla qerök. “Deiwidkö gwölönarökŋi, mönö ak-kömum niŋginöŋ!”

⁴⁹Qeriga Jisösnöŋ dörök ala kewö jiyök, “Ölöp qetketka ki kama.” Mewö jiiga jegömöl azi mi qeta kewö jiget mörök, “Göhöra qeza. Mönö mötkurumkurum mosöta wahöta kaman.”

⁵⁰Mi möta malukuŋi qeköba gila pöraŋ wahöta kinda Jisösgöreŋ anök.

⁵¹Aniga kewö qesim waŋgiyök, “Alani, nöŋön wani yuai ak gihimangöra mötzan?” Mewö qesim waŋgiiga jegömöl azinöŋ jiyök, “Ketaŋamni, ni jeni kunbuk umangöra mötzal.”

⁵²Mewö jiiga Jisösnöŋ kewö jii mörök, “Mötnariŋkan mönö mem ölöwak gihiza. Mönö ölöp anman.” Mewö jii möta jeŋan miangöreŋök tohoiga uba andöŋine Jisös wuatangöba anök. Mewö.

Jisösgöra köiraŋ kölgetka Jerusalem öŋgöyök.

Mat 21.1-11; Luk 19.28-40; Jon 12.12-19

11 ¹Jisösnöŋ gwarekurupŋi yembuk Jerusalem siti dopdowiba Betfage aka Betani miri yahöt kösutŋjire kaba Oil ip kundunŋe öŋgöba gwarekyahötŋi yahöt melaim etkimangöra aka ²kewö jii mörohot, “Miri wösöŋjire tatzawi, mönö miangöreŋ anohot. Anda miangöreŋ aŋgota doŋki moröŋi kösönöŋ jöhöget kinjawi, mi miangreŋök miwikŋaimahot. Doŋki mi dölökŋa, azi kunŋan qakŋe qahö tatatŋa. Mi mönö pösata memba ki kamahot. ³Pösarohotka kunŋan ‘Wuanöŋgöra mewö akzahot?’ jiba qesim etkiiga kewö jimahot, ‘Kembuniran mönö miangöra osiba jiiga kazira zilaŋ meleŋniga kunbuk ki kama.’

⁴Mewö jiba melaim etkiiga anda doŋki moröŋi miri towokŋe miri kungö naŋgunŋe kösönöŋ jöhöget kiniga miwikŋaiba pösarohot.

⁵Pösarohotka azi tosatŋi miangöreŋ kingeri yeŋön kewö qesim etkiget, “Hei, wania akitköra doŋki moröŋi pösatzahot?”

⁶Mewö qesim etkigetka Jisösnöŋ jiyöhangö dop jiyohot möta “Ölöp memba anmahot,” jiget. ⁷Jigetka memba Jisösgöreŋ kayohotka malukuŋini qeköba doŋki moröŋangö qakŋe algetka öŋgöba tarök. ⁸Mewö tata aniga ambazip jesöŋgöŋan göda qeba malukuŋini qeköba köna namŋe

tumbulgetka tosatŋan gölme köröje anda ip sinŋi mitiba tumbulget. ⁹Tumbulgetka ambazip jeje köl öröba angeri aka andöje wuatangöba kageri, yeŋön kewö jiba qetket, “Hosana, owe owe! Anutu möpöseizin. Kembugö qetŋe kamawi, Anutunöŋ mönö i kötuetköm wangima. ¹⁰Kiŋ Deiwidnöŋ kantri tohoŋ kuŋguba galöm köl enŋiyöhi, nalö mewöŋan mönö kunbuk kam neŋgiza. O Anutu mönö kantri tohoŋnini kötuetköman. Hosana! Qetbuŋagi möpöseininga euyangörej öngöza. Owe Owe!”

¹¹Mewö qetketka Jerusalem sitinöŋ öngöba jöwöwöl jikegö tohoŋ uruŋe anök. Miangörej liliköba yuai pakpak ehi mare ahiga eta gwarekurupŋi 12 yembuk jike mosöta Betani mire anda ahöget. Mewö.

Jisösnöŋ fig ip kun qesuahöiga ululuŋgöyök.

Mat 21.18-19

¹²Ahöba söŋanök wahöta gwarekurupŋi yembuk Betani miri mosöta angetka Jisösnöŋ nenegö kömuyök. ¹³Nenegö kömumba ui aniga fig ip kun^k sinŋambuk kini ehök. Eka “Sinŋangö uruŋe öŋi tari miwikŋaiba nembilenak,” jiba fig ipkö könaŋe anök. Anökmö, öŋangö nalöŋan qahö töriyöhangöra sinŋanök kini ehök. ¹⁴Mewö eka ip mi kewö jim wangiyök, “Kunŋan öŋi kunbuk kude nema.”

Mewö jim wangiiŋa keu mi gwarekurupŋan mötket. Mewö.

Jisösnöŋ jöwöwöl jike jim kömbuhiyök.

Mat 21.12-17; Luk 19.45-48; Jon 2.13-22

¹⁵Anda mala Jerusalem sitinöŋ öngögetka Jisösnöŋ jöwöwöl jikegö tohoŋ uruŋe anök. Miangörej ambazip enŋehiga inap bohonŋi memegöra algetka söŋgöroröŋi megeri, mi könahiba közöl enŋiiga etket. Moneŋ utekutek ambazip yeŋgö jakeŋini metali anget. Mewöyök kembö bohonŋini memegöra algeri, miengö dum tatatŋini mi tok tötalisa anget. ¹⁶Sombem kömbukŋi kutuba yuai siriba aŋgotkaŋgotkö könaŋi jöhöyök. ¹⁷^lMewö aka kusum enŋiba kewö jii mötket, “Aisaianöŋ keu kun kewö ohoi ahöza, ‘Nöŋgö jikenan mönö gölmeŋi gölmeŋi pakpak yeŋgö köulukö miriŋina akŋapkö qetme.’ Keu mi ahözapmö, iŋini mi utekögetka kegwek-kahasililiŋ yeŋgö baŋet ewö akza.”

¹⁸Mewö jii möta ambazip kambu pakpak yeŋön miangöra nemböŋini teköiga welipköget. Miangöra jike nup galöm aka Köna keugö böhi yeŋön mi möta Jisösgöra keŋgötŋini möta eraum möta kewö jiget, “Mönö denöwö jiinga qegetka kömumbawak?”

¹⁹Mare ahiga Jisösnöŋ gwarekurupŋi yembuk siti mosöta yaigep anda ahöget. Mewö.

^j 11.9 Sum 118.25-26 ^k 11.13 Fig mi sambi ipkö alaŋi kun. Mi nupŋine kömötketka kötŋi nahömŋinambuk asuhugetka gwötŋuk nemakzema. ^l 11.17 Ais 56.7; Jer 7.11

Fig ipnön ululungöiga eket.

Mat 21.20-22

²⁰Ahöba söñanök wahöta könanönj anda fig ip mi oñgitpingö aketka jalönambuk ulungöba kini eket. ²¹Kiniga Pitönönj Jisösgörej keu mötmöriba kewö jii mörök, “Ketanamni eknönj, fig ip qesuahönönji, mi mönö ululungöba kinja.”

²²Jii möta Jisösnönj kewö melejnök, “Anutugö mötnarip mönö töp memba malme.” ²³^mNönön keu ölni kun kewö jibi mötme, “Kunjan keuñangö ölni ahumapkö uruyahöt qahö aka kundunji kiangö toñangöra kewö jim kutubawak, ‘Mönö kundunji ki qeköba wahöta anda köwetnönj alman.’ Mewö jim kutuba Anutu möt nariiga ölni mönö miangö dop ahuma. ²⁴Miangöra nönön kewö jibi mötme: Wani yuaigöra qesiba köulukömei, mi pakpak lök buña qem anguzin, mewö möt narigetka mönö buñajini akña. ²⁵ⁿIñini kinda Anutu köulukögetka kunjan alañangö pinjtköra urubölö akña ewö, pinjit mi mönö mosötme. Mewö akñe ewö, eñgö Iwiñini Suep mire maljawañön mönö mewöñanök eñgörej siñgisöndok mosötma. ²⁶(Iñini tosatñi yeñgörej siñgisöndok qahö mosötme ewö, eñgö Iwiñini Suep mire maljawañön mönö mewöñanök eñgörej siñgisöndok qahö mosötma.)” Mewö.

Jitñememe yeñön Jisösgö kukösumñangö qesiget.

Mat 21.23-27; Luk 20.1-8

²⁷Jisösnönj gwarekurupñi yembuk kunbuk Jerusalem sitinönj öngöget. Öngöba jöwöwöl jikegö tohoñ uruñe anda kaiga jike nup galöm, Köna keugö böhi aka kantrigö jitñememe tosatñi yeñön yañgörej kañgotket. ²⁸Kañgota kewö qesim wañgiget, “Gi kiangörej yuai akzani, mi mönö dañön jim kutum gihiiiga ahakzan? Mi memamgö kukösumñi mi dañön gihiyök?”

²⁹Qesim wañgigetka kewö meleñ eñgiyök, “Nönön mewöyök keu kun qesim eñgimam. Mi meleñ niñgigetka nönön mewöyök dañön kukösum niñgiiga yuai ki ahakzali, mi jibi mötme. ³⁰Jonön ambazip o-melun mem eñgiba malöhi, yañön miangö kukösumñi mi denikeyök meyök? Suep Toñan wañgiyök me gölme toñan wañgiget? Mi jiget mötmam.”

³¹Mewö meleñ eñgiiga sutñine eraum möta kewö jiget, “‘Kukösumñan Suepnöhök asuhuyök,’ mewö jibin ewö, yañön mönö kewö jima: Iñini mönö wuanöngöra Jon qahö möt narim wañgiget? Mi qahö dop kölja. ³²Me ‘Gölme ambazipnöhök asuhuyök,’ jibinak? Mi qahö dop kölja.” Ambazip körekñan Jongöra ‘Ölña kezapqetok azia akza,’ jigerangöra aka ambazip kambu yeñgöra keñgötñini möta mi jibingö osiget. ³³Miangöra

^m 11.23 Mat 17.20; 1 Kor 13.2 ⁿ 11.25-26 Mat 6.14-15

“Mi qahö mötzin,” melenget. Mewö melengetka Jisösnöñ kewö jii mötket, “Mewö aiga nöñön mewöyök yuai ki ahakzalanğö kukösumñi dañön niñgiyök, mi qahö jibi mötme.” Mewö.

Wain kösö nup galöm bölöñi miengö dopkeu

Mat 21.33-46; Luk 20.9-19

12 ¹Jisösnöñ könahiba ambazip dopkeunöñ kewö jii mötket, “Azi kunöñ wain kösö nup kun köla kömörök. Köla kömöta selñi memba liliköyök. Mem liliköba wain jout ketañi kötnöñ meyök. Mianğöreñ waingö öñi ala könanöñ tözöhölget oñan lalanöñ geyök. Wain jout ketañi mi memba wain yoñgorö membepuköra galöm meme jake köröpñi köweñambuk meyök. Yuai pakpak mem teköba wain nup galöm tosatñi miwikñaim engiba kewö jiyök, “Mönö nup memba öññangö bahöñi nanñini memba bahöñi toñi ni niñgime.” Mewö jiba nup mi böröñine ala engömosöta kantri kunöñ anda malök. ²Mala mali öñi öliyöhanğö nalöñi (yambu 5) töriiga mianğöreñ welenqeçeni kun melaim wañgiiga galöm yeñğöreñ anda wain nup öññangö bahöñi wañgimeğöra jiyök. ³Jiyökmö, galöm yeñön i memba jöhöba kömbinöñ qeba wuatañğögetka böröñi börak liliñgöyök. ⁴Mianğö andöñe welen azi kun melaii yeñğöreñ aniga nööröpñi qesiñda gamu qem wañgiget. ⁵Mianğö andöñe welen azi kun kunbuk melaiiga ani qeget kömuyök. Mewöñanök azi tosatñi gwötpuk melaim engiiga tosatñi kömbinöñ sepgwörörök enguba tosatñi enguget kömuget. ⁶Mewö aketka wain nup toñan keu jaruba jiyök, ‘Nani wölböt nahöni mohok mi tok malja. I mönö göda qem wañgime me denöwö?’ Mewö jiba qöndökñi mi nahönña melaiiga yeñğöreñ anök. ⁷Anökmö, kaiga eka sutñine kewö jiget, ‘Yañön mönö börösamotñangö toñi akña. Ayop, mönö memba qein kömuiga wain kösö nup kianñön mönö nanine buñanina akña.’ ⁸Mewö jiba memba jöhöba qeget kömuiga qamötñi nup yaigepñe gilget geyök.

⁹Wain nup toñan mi möta mönö denöwö akña? Yañön mönö nanñak kaba nup galöm mi köndeñ engima aka nup galöm dölöçkñi miwikñaim engiba wain kösö nupñi yeñğö böröñine alma. ¹⁰Buñ Kimbigö keu ki lök oyonget me qahö?

‘Miri meme yeñön köt tandö kun andö qeba öne mosötket taröhi, mianñön mönö tandö kömböñañi ahiga miwikñaiget. Mianñön tiñgiriga mirinöñ mönö gororöngöba eta kölma.

¹¹Kembunöñ tandö mi kuñguiga jeninan ehinga qetbuñabuk ahiga welipkömakzin.’”

¹²Jisösnöñ mewö jiiga galöm yeñön keu mianğö köñañi möt asariba kewö jiget. “Dopkeu mi mönö neñğöra jiza.” Mianğöra i memba jöhöbingö

mötketmö, ambazip kambu yengöra keŋgötŋini möta osiba mosöta anget. Mewö.

Takis alalgö Jisös esapköm waŋgiget.

Mat 22.15-22; Luk 20.20-26

¹³ Juda jitŋememe yeŋön Farisi aka premiö Herodkö pati alaurup tosatŋi melaim engiba kewö jiget, “Iŋini mönö Jisösgöreŋ anda qesiba keugö bötaknöŋ öröi gwaröhöm waŋgime.” Mewö jigetka Jisösgöreŋ kaget. ¹⁴ Jisösgöreŋ kaba kewö jigetka mörök, “Böhi, göŋön azi ölni akzani, nini mi mötzin. Göŋön ambazip tosatŋi qahö engkek soriba tosatŋi qahö qepureim engimakzanmö, dop mohotnöŋ kewöt neŋgimakzan. Miangöra kuŋgum gihigetka qahö goŋgiba ketanŋi qahö esuhum engimakzanmö, Anutugöreŋ köna mi keu ölnaŋgö dop kusum neŋgimakzan. Göŋön Anutugöreŋ keu diŋdiŋi mianön öŋgöŋgöŋi eretŋi mohot pakpak jim qindiŋ ak neŋgimakzan. Miangöra nini sisa-kiŋgöra takis ala mianön Mosesgö Köna keu siŋgibin me qahö? Mi alinga dop kölja me qahö?”

¹⁵ Mewö jiget möta areŋini muneŋi mi möt kutuba kewö jii mötket, “Iŋini wuanöŋgöra keugö bötaknöŋ al niŋgibingö esapköm niŋgize? Ölöp silwö moneŋ (Kina 5) kun memba kaget eki.”

¹⁶ Mewö jiiga mi memba kagetka kewö qesim engiyök. “Dagöreŋ imut aka qet mi ki ohoget ahöza?” “Mi sisa kiŋgöreŋ!” Mewö melenja jiget.

¹⁷ Jigetka kewö jii mötket, “Mewö ahiga yuai sisa-kiŋgö imutŋambuk buŋaŋi ahözawi, mi mönö yaŋgöra al waŋgime. Yuai kun Anutugö buŋaya ahözawi, mi mönö Anutugö buŋa qeme.” Mewö jii möta yaŋgöra gwötpuk welipköget. Mewö.

Kömupnöhök wahötwahötkö esapköm waŋgiget.

Mat 22.23-33; Luk 20.27-40

¹⁸ ^q Sadyusi (Jike nupkö kapaŋkölköl) yeŋön “Kömugeri yeŋön kude wahötmö,” jiba malget. Yeŋgöreŋök tosatŋan Jisösgöreŋ kaba kewö qesim waŋgiget, ¹⁹ ^r “Böhi, Mosesnöŋ kewö jim kutum neŋgiyök ahöza,

‘Azi kun ambi meiga nahönbörat qahö ahui kömumba malöŋi öne mosöriŋa munŋan ölöp malöŋi memba gwölönarök qiwikŋaim waŋgiiga datŋaŋgö qet bisiba malma.’

²⁰ Mötnöŋ! Nalö kunöŋ darumun 7 malget. Datŋini mutukŋan ambi memba mala gwölönarökŋi qahö öne mala kömuyök. ²¹ Kömuiga munŋan malöŋi mi memba mala mewöyök gwölönarökŋi qahö öne kömuyök. Kömuiga munŋi kun yaŋgö baŋŋe mianön ambi miyöhök memba mala öne kömuyök. ²² Mewöŋa mewö darumun 7 pakpak yeŋön ambi

^q 12.18 Apo 23.8 ^r 12.19 Dut 25.5

mohot miyöhök memba gwölönarök qahö mala kömum teköget. Körek kömugetka qöndökñi malöñini mi mewöyöhök kömuyök. ²³ Göñön Kömugeri yeñön guliba wahötme,' jizanzö, nini mi qahö möt narizin. Mötnöñ! Azi 7 pakpak mi öröröñ wahötpeak ewö, ambi möhot mi anömñina meget malöhañgöra aka mönö dagö anömña akawak?"

²⁴ Mewö qesigetka Jisösnöñ meleñda kewö jii mötket, "Injini keu jim sohoze. Urumeleñgö Buja Kimbiñi aka Anutugö kukösumñi qahö möt kutuzeañgöra mönö janjuñ ahakze. ²⁵ Ölna, kömupnöñhök wahöta nalö miañgöreñ awanöm qahö akñemö, garata yeñön Suep mire maljeañgö tandök aka malme. ²⁶ Mötket! Kömugeri, yeñön guliba wahötmegö keuñi mi Mosesgö Buknöñ kewö ahöza: Sötman köhösnöñ köñöp bölam ahuba qahö jem kutuyöhi, injini kösohot mi oyoñget me? Anutunöñ miañgöreñ Moses kewö jii mörök,

'Nöñön Anutu Abrahamgö Kembu, Aisakö Kembu aka Jeikobkö
Kembuya mala kota maljal.'

²⁷ Isik bömön karöbut yeñön Anutubuk mala mal köhöiba öñgöme. Anutunöñ köhömuñi yeñgö Kembuñini qahöpmö, malmal köhöikñi maljei, mönö yeñgö Kembuñina akza. O Sadyusi (Jike nupkö kapañkölköl pati) injini mönö keu gwötpuk möt sohomakze." Mewö meleñnök.

Jöjöpaj keu bohonñi yahöt mi denöwö?

Mat 22.34-40; Luk 10.25-28

²⁸ Jisösnöñ Sadyusi (Jike nupkö kapañkölköl) yembuk eraum möta jim soroköba meleñ eñgiyöhi, mi Köna keugö böhi azi kunöñ mörök. Mewö möta jeñe kañgota kewö qesim wañgiyök, "Jöjöpaj keu pakpak mieñgöreñök bohonñi ketañi mi denöwö?"

²⁹ Qesim wañgiiga meleñnök, "Bohonñi ketañi mi kewö,
'Israel könagesö mötket! Anutu mi Kembunini. Yañön Kembu
mohot ahiga bem alañi kun qahö.

³⁰ Miañgöra urugi jömuñi, uñagi jömuñi, mötmötki jömuñi aka kuki jömuñi, miañön mönö Kembu Anutugi jöpaköba malman."

³¹ Jöjöpaj keu miañgö alañi kewö,

'Nangi jöpaköm añgumakzani, mewöñanök mönö ambazip pakpak
jöpaköm eñgiba malman.'

Jöjöpaj keu kunñan mönö keu yahöt mi qahö etkoñgitza."

³² Köna keugö böhigöra mewö meleñniga jiyök, "Böhi! Gi törörök keu ölnañgö dop jizan. Anutunöñ mohot akza. Bem alañi kun qahö. ³³ Gi urugi jömuñi, mötkutukutugi jömuñi aka kuki jömuñi, miañön Anutu jöpaköba malman. Aka nangi jöpaköm añgumakzani, mewöñanök mönö

^s 12.26 Eks 3.6 ^t 12.28-34 Luk 10.25-28 ^u 12.29-30 Dut 6.4-5 ^v 12.31 Lew 19.18

^w 12.32 Dut 4.35 ^x 12.33 Hos 6.6

ambazip pakpak jöpaköm engiba malman. Jöjöpaŋ keu yahöt mi bohonŋi ketaŋi akzahot. Mi tem kölmani, miaŋjön mönö jöwöwöl pakpak aka naluk kötin tosatŋi engonŋitza.” ³⁴Mewö jiiga Jisösnöŋ urumötmötŋi möri dop kölīga kewö jii mörök, “Gi Anutugö bemtohoŋnöŋ aŋgotmamgö dopdowizan.” Mewö eraum möröhotka körek yeŋön Jisös toroqeba qesim waŋgibingö kölköldömdöm aka mosötket. Mewö.

Kraist mi kiŋ Deiwidkö kembuŋi aka gwölönarökŋi.

Mat 22.41-46; Luk 20.41-44

³⁵Jisösnöŋ jöwöwöl jikenöŋ kinda Buŋa keu kusum engiba kewö qesim engiyök, “Kraistnöŋ kiŋ Deiwidkö gwölönarökŋi akzawi, Köna keugö böhi yeŋön keu mi denöwögöra jimakze? ³⁶Deiwidnöŋ nanŋak Uŋa Töröŋan sölölohöm waŋgiiga kewö jiyök,

‘Anutunöŋ kinda nöŋgö Kembuni kewö jii mörök: Göŋön mönö kaba nöŋgö böröni ölje tatnöŋga nöŋön nalö sutŋe kerökurupki tim tötöla luhut aleŋgiba göhö köna tambö gwaröŋe al engimam. Nalö mi kam kuŋgumawaŋgö dop mönö asakmararaŋnöŋ ki tatman.’

³⁷Deiwidnöŋ nanŋak mewö jiba qetŋi ‘nöŋgö Kembuni’ jiza.’ Kembuni jiba mönö denöwö aka yaŋgö gwölönarökŋi mohot akawak?” Mewö jiiga ambazip kambu ketaŋi yeŋön Jisösgö keuŋaŋgö sihimŋi möta kezap alget. Mewö.

Urumeleŋgö silesile malmalgö galöm meme keu.

Mat 23.1-36; Luk 20.45-47

³⁸Jisösnöŋ kusum engiba toroqeba kewö jiyök, “Iŋini mönö Köna keugö böhi yeŋögöra galöm memba malme. Yeŋön maluku köröpŋi löŋgöta anda kaba kondel aŋgubingö mörakze aka maketnöŋ me könanöŋ ambazip engigetka jölöŋini jimegö mörakze. ³⁹Köuluk mire qaikŋe eu tatpingö sihimŋi mörakze, aka közölömbuaŋnöŋ dum tatat mutukŋe jejep tatpingö mörakze. ⁴⁰Yeŋön malö yeŋögöreŋ miri yuai bidaŋda gagabe köla eŋguaŋgirakze, aka qetbuŋaŋini asuhumapköra köuluk köröpŋi köuluköba töptöpŋine qemakze. Miaŋgöra Anutunöŋ keuŋini jim teköba likepŋi öŋgöŋgöŋi meleŋni qakŋine öŋgöma.” Mewö.

Ambi malö kunöŋ naluk kötin öljŋi alök.

Luk 21.1-4

⁴¹Jisösnöŋ jöwöwöl jikenöŋ naluk dundum andöŋe tariga ambazipnöŋ moneŋ miaŋgöreŋ alget geiga uba eŋgehök. Ambazip pomŋi sukinapŋinambuk gwötpuk yeŋön kaŋgota kina moneŋ lömbötŋambuk

alget geyök. ⁴² Alget geiga malö wanapni kunöŋ kaŋgota souje kötni yahöt, mi toiya tosatni miangö dop ali geyök. ⁴³ Jisösnöŋ mi eka gwarekurupni köl öröm engiba kewö jii mötket, “Nöŋön keu ölni kun kewö jibi mötme: Malö wanapni kianön naluk aljawi, mi mönö tosatni pakpak yeŋön yuai dundumnöŋ alget gezawi, miangö dopni oŋgita alja. ⁴⁴ Körek yeŋön monen gwötpuk ahöm enŋiiga kitipŋanöhök aljemö, ambi kianön mönö köruebörue maljawanŋö dop yuaini pakpak al teköba öne töhön malma.” Mewö.

Jöwöwöl jikenöŋ köndenmöndeŋ asuhuma.

Mat 24.1-2; Luk 21.5-6

13 ¹ Jisösnöŋ jöwöwöl jike mosöta eriga gwarekurupni yeŋgöreŋök kunŋan kewö jii mörök, “Böhi eknöŋ! Jikegö tohoŋ uruŋe miriŋi miriŋi mi mönö wewelipŋambuk. Mi kötnöŋ memba meŋölögetka ölpöbölöŋi kinja.”

² Jisösnöŋ mi möta keu kewö meleŋnök, “Jikegö tohoŋ uruŋe miri ketani ki enŋekzanmö, mi mönö köndengetka mirigö köt kun mi köt kungö qakŋe qahö ahömappmö, qeqelaŋlaŋ aka sahoŋŋanök ahöma.”

Kahasililiŋ aka sesewerowero asuhuma.

Mat 24.3-14; Luk 21.7-19

³ Mewö jiiga Oil ip kunduŋe öŋgöba likeŋŋe endu jöwöwöl jikenöŋ kinöhi, mi eka tatket. Miangöreŋ tata Pitö, Jeims, Jon aka Andru yeŋön Jisös nanŋök öröba kewö qesim wanŋiget, ⁴ “Böhi! Keu jizani, miangö ölni mönö wanat nalönöŋ asuhum tiŋgitma aka yuai pakpak mi könahiba asuhum tekömawi, miangö aiwesökŋan mönö denöwö asuhuma? Mia ölop jinöŋ mörin.”

⁵ Mewö qesim wanŋigetka könahiba kewö jii mötket, “Kunŋan isimkakalek aiga jaŋjuŋ anbeŋuköra mönö galömnini memba malme. ⁶ “Ambazip gwötpukŋan asuhuba nöŋgö qetne kewö jime, ‘Nöŋön Kraist akzal.’ Mewö jiba ambazip gwötpuk tilipköm engime. ⁷ Inini yarö miengö buzupŋini aka ötoŋini asuhugetka mörakŋe. Mi möta jönömnini kude undumakŋa. Yuai mewöŋi mi mutuhök asuhumapkö jijiŋa. Mi asuhumappmö, gölmegö nalöŋan mönö miangöreŋök zilaŋ qahö teköma. ⁸ Kantri kunöŋ kantri kun enŋubingöra wahötme. Ambazip kambu kunöŋ kambu kun yembuk aröŋ anŋubingöra wahötme. Gölmeŋi gölmeŋi miangöreŋ kenöŋ ketani ketani qözöla memba gölme meleŋni gemakŋa. Mewöyök bödiŋi bödiŋi (buöröŋi buöröŋi) asuhuba öŋgöba ahöma. Yuai mewöŋi mi ambi köröbuknöŋ masi könahiba enŋumakzawanŋö dop. Gölmeŋi nalöŋan mönö miangö dop könahiba tekömamgö akŋa.

⁹ Mewö akŋappmö, inini ölop galömnini mem anŋuba malme. Ambazipnöŋ inini öröba keu jakeŋe al engiba köuluk mireŋini keu nupŋini memba

^z 13.9-11 Mat 10.17-20; Luk 12.11-12

kömbinöŋ engume. Tosatŋan nöŋgöra aka enġuaŋgitketka kantriŋi kantriŋi yengö kiŋ kembu aka premiö yengö jemesoholġine kinme. Mewö kinda nöŋgö könaŋamni naŋgöba jiġetka mötme. ¹⁰Ölöwak Buŋa ki mönö mutuk gölmegö kantriŋi kantriŋi pakpak yengöra jim sehim tekögetkun gölmegö nalöŋan miangö andöŋe teköma. ¹¹Öröba enġuaŋgita keu jakeŋe al enġiġetka kinmei, nalö miangöreŋ keu denöwö jibinak, miangö waimanjatŋi qeljiŋe kude mötme. Uŋa Töröŋan aua miangöreŋök keu enġimawi, mönö mia jime. Nanŋine uruŋinaŋgöra keu qahö jimemö, Uŋa Töröŋan mönö uruŋini sölölohöiga keu jime. ¹²Urumeleŋgö kopa kunöŋ darumunŋan uruŋi meleŋnöhaŋgöra aka i mamalolo meiga keu jakeŋe algetka qeget kömuma. Mewöyök iwi kunöŋ nahönböratŋi mamalolo meiga kömuma aka nahönbörat yeqöŋ iwinamurupŋini qetal enġiba jiġetka enġuget kömume. ¹³Kantri pakpak yeqöŋ nöŋgö qetnaŋgöra aka kazik ak enġiġetka malmemö, kunŋan kapaŋ köla köhöiba böŋ qeba kinda maliga gölmegö nalöŋan tekömawi, yaŋöŋ mönö oyaenġkoyaenġ buŋa qem anġuma. Mewö.

Jerusalem sitigö köndenmöndeŋ uru-önönġambuk

Mat 24.15-28; Luk 21.20-24

¹⁴^b“Könaŋgep tosatŋan kaba köndenmöndeŋ aka yuai anġöjörakŋambuk jikenöŋ qahö alalgö dop mi altanöŋ ala kiniga ekŋei, - keu ki oyoŋmawaŋöŋ mönö ölöp kezap ala möt kutuma - nalö miangöreŋ Judia prowinsnöŋ malmei, enöŋ mönö miŋgöba öröba kunduŋe anme. ¹⁵“Miri kösutŋe sombemnöŋ malmawaŋöŋ mönö eta yuaiŋi memamgöra miri uruŋe kude öŋgöma. ¹⁶Nupnöŋ anda malmawaŋöŋ mönö mewöyök malukuŋi memamgöra liliŋgöba mirinöŋ kude anma. ¹⁷Yei! Ambi gölömbuk aka morö juzunöŋ yeqöŋ nalö miangöreŋ denöwö ösumŋinan anbeak. ¹⁸Miangöra yuai mi kie luhut nalöŋe kude asuhumapköra köuluköme. ¹⁹“Nalö miangöreŋ kahasililiŋ keta bölökiŋi asuhuma. Kahasililiŋ dopŋi mewöŋi mi mönöwök nalö kungen kude asuhuba ahöyök. Anutunöŋ yuai pakpak miwikŋaiyöhi, nalö miangöreŋök könaħiba nalö kiangöreŋ mala kota nalö sutŋe kun qahö asuhuyök. Mönöwök qahö asuhuyök aka könaŋgep nalö kunöŋ qahö ahuma. Miangöra mönö köuluköba malme. ²⁰Kembunöŋ wahöjaliŋ nalö mi qahö mem töribawak ewö, ambaziŋ körekŋan mönö ayuhum teköbeakmö, ambaziŋ nanŋaŋgöra möwölöhöm enġiyöhi, yengöra aka wehön miengö qötöŋini mi mem törima.

²¹Nalö miangöreŋ kewö jime, ‘Mötket! Kraistnöŋ ki malja.’ aka ‘Eket! Amötqeŋe Toŋan endu kinja.’ Kunŋan mewö jima ewö, mi mönö kude möt narime. ²²Mi kewögöra: Amötqeŋe toŋi munenŋi aka kezapqetok

^a 13.13 Mat 10.22 ^b 13.14 Dan 9.27; 11.31; 12.11 ^c 13.15-16 Luk 17.31 ^d 13.19 Dan 12.1; Ind 7.14

ambazip takapulakanji asuhuba angöletot aka aiwesök jemurutnji megetka letotme. Mewö letotketka Anutunöŋ ambazip nanŋaŋgöra möwölöhöm eŋgiyöhi, i mewöyök eŋololon mem eŋgimegö esapköba kapan kölgetka jaŋjuŋ akepak. Eŋön ölpŋanök galömnjini memba malgetka mi osibeak. ²³Nöŋön yuai pakpak mi kude asuhuiga qeljiŋe lökŋanök jibi mötze. Mi mutuk jizalaŋgöra mi mönö uruŋine ala galömnjini mem aŋguba malme. Mewö.

Suep gölmegö azi ölpŋan mönö asuhum tiŋgitma.

Mat 24.29-31; Luk 21.25-28

²⁴eWahöjalinj mi teköiga nalö miangöreŋök wehön jeŋan injaŋ köliga köiŋnön ömuŋ kölma. ²⁵fSengelau yeŋön suepnöhök teköba etme aka suepnön uturuköiga miangö öroyuaiŋi mi tatatjni mosöta eŋololon aketka sohoma. ²⁶eNalö miangöreŋ Suep gölmegö azi ölpŋi yaŋön kousu qakŋe kaŋgori ekŋe. Kukösumnji ketanjan saköl-diŋdiŋambuk aukŋe asuhuiga asakmararaŋi ekŋe. ²⁷Kaŋgota Suep garataurupnji melaim eŋgiiga yeŋön ambazip Anutunöŋ nanŋaŋgöra möwölöhöm eŋgiyöhi, i gölme göraŋi likepliŋep, euke emuke miangöreŋök kölolohoba eŋguangitme. Mewö.

Geröp ipkö dopkeu

Mat 24.32-35; Luk 21.29-33

²⁸Ijini geröp ip eka tandökŋi mötmöriba dopkeu ki mötme. Böröŋan lök oŋambuk aiga sinŋan yoŋgoigetka mi eka möta kewö jimakze, ‘Wehön nalöŋan mönö dopdowiza.’ ²⁹Eŋön mewöŋanök aiwesök miangö dop asuhuiga eka möt asariba könaŋi kewö jime, ‘Jisösnön mönö nanŋunöŋ dopdowiza.’ ³⁰Nöŋön keu ölpŋi kun kewö jibi mötket: Ambazip ki merak gölmenöŋ maljei, yeŋön qahö kömugetka yuai pakpak jizali, mi mönö yeŋgö malmal nalöŋine asuhuma ³¹Suep gölmenöŋ göröŋ qemahotmö, nöŋgö Buŋa keunan mönö qahö ayapköma.’ Mewö.

Jisös kamawaŋgö nalöŋi mi kunŋan qahö mötza.

Mat 24.36-44

³²hSuep gölmegö azi ölpŋan dawinöŋ kamawi, miangö wehönji me aua nalöŋi mi kunŋan kun qahö mötza. Suepnön garata yeŋön mi qahö mötze. Anutugö Nahönŋan mewöŋanök mi qahö mötza. Iwinöŋ nanŋök mi mötza. ³³Nalö dawinöŋ asuhumawi, mi qahö mötzeangöra eŋön mönö alöm memba uruguliguli malme. ³⁴iMi dopkeu kiangö dop ahöza: Azi kunöŋ miriŋi mosöta kantri kungen anök. Anmamgöra aka galömurupnji

^e 13.24 Ais 13.10; Eze 32.7; Joel 2.10, 31; 3.15; Ind 6.12 ^f 13.25 Ais 34.4; Joel 2.10; Ind 6.13 ^g 13.26 Dan 7.13; Ind 1.7 ^h 13.32 Mat 24.36 ⁱ 13.34 Luk 12.36-38

yuai pakpakŋaŋgöra jim kutum eŋgiba naŋgu kiŋi böröŋine ala kukŋi eŋgiyök. Kukŋi eŋgiba welenqequeurupŋi mohok mohok nup keu eŋgiyök. Eŋgiba mala naŋgu galömŋi mewöyök uruguliguli malmapköra jim kutum waŋgiyök. ³⁵Miri toŋan dawinöŋ lilingöba kamawi, mi qahö mötze. Mare me suŋgem ömbibiŋe kama me? Waŋgaraŋ suruiga kama me? Wehön gĩaŋiiga kama me? Miangö dop iŋini mi qahö mötzeanögöra mönö uruguliguli malme. ³⁶Könöpuk wölaŋ kaiga eŋön gaun ahögetka mewö miwikŋaim eŋgibapuk. ³⁷Iŋini mönö uruguliguli malme. Keu mi gwarekurupŋi eŋgöra jizali, mi mewöyök alaurupni körek pakpak eŋgögöra jizal: Iŋini mönö urugwölögwölö malme.” Mewö.

Jisös qein kömumapkö aŋgönaŋ alget.

Mat 26.1-5; Luk 22.1-2; Jon 11.45-53

14 ¹Pasowa kendon^k aka beret yistŋi qahö miangö kendonŋi törüyohot. Wehön yahöt teköiga miangöreŋ könahibitkö ahotka jike nup galöm aka Köna keugö böhi yeŋön tokoget. Tokoba denöwö möndöŋninga Jisös ölöŋ memba qeget kömumbawak, miangö könaŋi jaruba kewötket. ²Jaruba kewöta kewö jiget, “Ambazip irimŋini seheliiga karimŋi karimŋi asuhubepuköra mi sösoŋgai kendon nalöŋe akingö osibin.” Mewö jiget.

Ambi kunŋan Jisös o umköhöwakŋambuknöŋ miriyök.

Mat 26.6-13; Jon 12.1-8

³Jisösnöŋ Betani mirinöŋ mala Saimon kun uzikukuŋi mem solaniyöhi, yaŋgö mire öngöba tarök. Miangöreŋ nene memba tariga ambi kunŋan köt kirin kun memba yaŋgöreŋ kayök. Kirin mi nöluk tuat-tuat qetŋi alabastö mianön memeŋa. Mia o um-köhöwakŋambuk ölni qetŋi nad mianön kokolak qeba tarök. Yaŋön mi bohonŋi ketanaŋ memba kaba nöluk jölŋi kutuba oŋi Jisösgö nöropŋe mimbiliba miriyök. ⁴Miriiga azi tatkeri, yeŋgöreŋök tosatŋan urubölö aka nanŋinök kewö eraum mötket, “Nad o mi mönö wuanöŋgöra mewö ayuhuzawi? ⁵Nad o kelökŋambuk mi bohonŋi memegöra albawak ewö, ölop silim 300:kö töwaŋi (Kina 1500,-) oŋgita yöhötibawak. Mi ambazip wanapŋi eŋgiiga dop kölbawak.” Mewö jiba ambi mi jim waŋgiget.

⁶Jim waŋgigetka Jisösnöŋ kewö jii mötket, “Ambi ki kude jim waŋgime. Wuanöŋgöra uruŋi mem böliŋe? Yaŋön silik ölöŋŋi ak soroköm niŋgiiga dop kölja. ⁷^mAmbazip wanapŋi mi nalöŋi nalöŋi sutŋine malgetka ölöŋŋi ak eŋgibingö möta mi ölop nalö dop akŋemö, nöŋön

^j 14.1 Eks 12.1-27 ^k 14.1 Kantri qetŋi Ijpt miangöreŋ Kembugö garanatöŋ eŋgehoriŋa eŋgoŋgirök, kendon miangö qetŋi Nei keunöŋ Pasowa. Eksodus 12.15 ^l 14.3 Luk 7.37-38 ^m 14.7 Dut 15.11

enjö sutņine nalö dop qahö malmam. ⁸Yaņön mi nanņi akakmemeņanğö dop ak niņgiza. Nöņön kömumbi löm köl niņgimeanğöra ölöp qeljiņe sileni kelöknöņ nömıriza. ⁹Nöņön keu ölni kun kewö jibi mötket: Ölöwak Buņa ki kantri igen waigen jim sehigetka anmawi, miaņğöreņ ambi kianğön yuai ak niņgizawi, miaņğö buņaji mohok jiget sehiiga yangöra mötmörıba malme.” Mewö.

Judasnöņ Jisös mamalolo mem waņğımamğö urumohok ahök.

Mat 26.14-16; Luk 22.3-6

¹⁰Gwarekurupņi 12 yeņğöreņök kun qetņi Judas Iskariot yaņön Jisös mamalolo mem waņğımamğöra aka jike nup galöm yeņğöreņ anök. ¹¹Yeņğöreņ anda keuņi jiiga mi möta uruņinan ölöwahıga söņğöröņi moneņ waņğıbingöra keu jöhöget. Keu jöhögetka Jisös nalö kungen mamalolo mem waņğımamğö köna möt jaruba köiņbiņğöba malök. Mewö.

Jisösnöņ gwarek yembuk Pasowa lama neget.

Mat 26.17-25; Luk 22.7-14, 21-23; Jon 13.21-30

¹²Beret yistņi qahö miaņğö kendon silim mutukņe (Seqononöņ) pasowa lama kun qeba ohozema. Miaņğöra Jisösgö gwarekurupņan jiget, “Böhi, nini miri denikeaņğöreņ anda pasowa lama mözözömgöm gihiba nemin? Sihimgi denöwö ahöza?”

¹³Mewö jigetka gwarekyahötņi yahöt kewö jiba melaim etkiyök, “İņiri Jerusalem sitinöņ öņğöyohotka azi kun o kumbut kunduta kaıga miwikņaimahot. Miwikņaiıba i ölöp wuatañğöba anmahot. ¹⁴Anohotka mire öņğöıga miaņğö toņi kewö jiyohot mötma, ‘Böhinöņ kewö jiza: Ölöp miri uruņi kun niņginöņga miaņğöreņ öņğöba gwarekurupņi yembuk pasowa lama nemin.’ ¹⁵Mewö jiyohotka toņan möta miri qakņe eu öņğöba uruņi ketanı kun kondel etkima. Miaņğöreņ dum tatat yuai mözözömgöget ahöza. Mi kondel etkiıga miaņğöreņ lama qeba ohomahot.”

¹⁶Mewö jiıga gwarekyahötņan mosöta sitinöņ öņğöba Jisösnöņ keu jiyöhi, miaņğö dop miwikņaiıba kindı lama qeba ohom mözözömgöyohot.

¹⁷Miri söņauıga Jisösnöņ gwarekurupņi 12 yembuk miri miaņğöreņ kaņgotket. ¹⁸“Kaņgota öņğöba dumnöņ tata nene negetka Jisösnöņ kewö jii mötket, “Nöņön keu ölni kun kewö jibi mötket: Eņğöreņök kun nömbuk nene nembı tatzaıaņön mönö mamalolo mem niņgıma.”

¹⁹Mewö jiıga uruņinan wösöbirik aıga könahıba nanņök nanņök qesim waņğıba jiget, “Nöņğöra jıbanbuk?”

²⁰Qesim waņğıgetka kewö jii mötket, “12 eņğöreņök kun nömbuk beret kulıuņnöņ kundıuņğözawi, yaņön. ²¹Suep gölmegö azi ölnıan mönö

ⁿ 14.18 Sum 41.9

yaŋgöra keu ohoget ahözawaŋgö dop gölme mosöta anma. Anmapmö, mamalolo mem waŋgimawi, yaŋgöra Yei wösöbirik! jizal. Anutunöŋ mönö likepŋi öngöŋgöŋi melen waŋgima. Azi mi nam köröuruŋeyök qahö ahubawak, mianöŋ mönö amqem waŋgibawak.” Mewö.

Kembubuk semön qöndökŋi neget.

Mat 26.26-30; Luk 22.14-20; 1 Kor 11.23-25

²²Nene nempa tata Jisösnöŋ beret memba kötuatköba mindipköba eŋgiba kewö jiyök, “Ki nani busuni. Ki memba neget.”

²³Mewö jiba wain qambi memba saiwap jiba eŋgiiga körekŋan qambi kiangöreŋök neget. ²⁴Negetka kewö jii mötket, “Ki nani seŋni. Ki Anutunöŋ ambazip yembuk jöhöjöhö areŋ aiga köhöimapköra seŋni mokoget geiga ambazip gwötpuk amöt qem eŋgima. ²⁵Nöŋön keu ölni kun kewö jibi mötket: Nöŋön wain kösögö ölni kiangöreŋ kunbuk toroqeba qahö nemam. Könangep Anutugö bemtohoŋ uruŋe eu taringa közölömbuan almawi, wehön miangöreŋ mönö wain o qainŋi kun mia nemam.”

²⁶Mewö jiiga sösoŋgai liŋet köla mosöta anda Oil ip kundunje öngöget. Mewö.

Pitönöŋ Jisös qaŋ kölmapkö jii mörök.

Mat 26.31-35; Luk 22.31-34; Jon 13.36-38

²⁷Öngöba Jisösnöŋ kewö jii mötket, “Kezapqetok azi kunöŋ keu kun kewö ohoi ahöza,

‘Nöŋön galömŋini qebiga lama kambuŋan deŋme.’

Miangö dop eŋön körek uruŋini böliiga nömosöta buratime.

²⁸Buratigetka nuŋgumemö, nöŋön mönö kömupnöhök wahöta mutuk Galili prowinsnöŋ anda miangöreŋ asuhum eŋgimam.”

²⁹Mewö jiiga Pitönöŋ kewö jii mörök, “Yeŋön körek uruŋini böliiga gömosöta buratime ewö, nöŋön mönö töndup mewö qahö akŋam.”

³⁰Jiiga Jisösnöŋ jii mörök, “Nöŋön keu ölni kun kewö jibi mötnöŋ: Kuruknöŋ indimŋi yahöt qahö qeriga göŋön merak suŋgem qaŋ köl niŋginöŋga indimŋi karöbut akŋa.”

³¹Mewö jiyökmö, Pitönöŋ kapaŋ köla köhöiköhöi ahök, “Böhi! Mewö qahöpmö, ni nuŋgugetka göbuk mohotŋe kömumbirak, mi töndup nöŋön gi qahö qaŋ köl gihimam.” Gwarek tosatŋi pakpak mewöyök keu miyöhök jiget. Mewö.

Jisösnöŋ Gezemane arönöŋ köuluköyök.

Mat 26.36-46; Luk 22.39-46

³²Mewö eraum möta anda arö kun qetŋi Gezemane miangöreŋ aŋgotket. Aŋgota gwarekurupŋi kewö jii mötket, “Nöŋön endu anda köuluköbiga inŋini

° 14.24 Eks 24.8; Jer 31.31-34 P 14.27 Zek 13.7 ° 14.28 Mat 28.16

ölöp nalö sutje ki tatme.”³³ Mewö jiba Pitö, Jeims aka Jon enguangita anget. Angetka Jisösnöj könahiba könjilij kanjamnambuk möriga köna böröñj qeköyök.³⁴ Mewö aka kewö jii mötket, “Nöngö urunan mönö kondum köla kotzawañgöra aka wösöbirik mötpiga kömukömuñi ak niñgiza. Injini ölöp kiangöreñ tata nömbuk guli malbin.”

³⁵ Mewö jiba nanñök boromkun toroqeba anda simin köla sipköba sihimbölö nalöñi mi Iwiñangö jitñangö dop ongitmapköra köuluköyök.³⁶ Köuluköba jiyök, “Aba Iwini, gi yuai kun qahö mölölömbizan. Miangöra sihimbölögö qambiñi ki mönö noangitman. Noangitpanak, mi nöngö sihimgö dop qahöpmö, mönö nangi jitkahö dop asuhuma.”

³⁷ Mewö jiba lilingöiga gwarekurupñi karöbut yeñon gaun ahöget engeka Pitögö kewö jii mörök, “Saimon, gi gaun ahözan me? Gi aua mohot-töp guli malmangö kude köhöizan me?”³⁸ Uruninan guli malbingö sihimñi mörakzinmö, sileninan lölöwöröñi akza. Miangöra esapesapnönj et enjgubapaköra mönö köuluköba guliguli malme.”

³⁹ Mewö jii möriga kunbuk enjgömosöta anda keu miyöhök kunbuk jiba köuluköyök.⁴⁰ Köuluköba lilingöiga jeñini böñböñ meyöhangöra kunbuk gaunök ahöget engehök. Gaunöhök wahöta keu melenjbingö janjunj aket.

⁴¹ Jisösnöj ani indimñi karöbut aiga lilingöba kaba kewö jii mötket, “Injini toroqeba luhut memba gaunök ahöbingö mötze me? Mötket! Kunöñ Sup gölmegö azi ölni mamalolo mem wañgiiga bölöñi meme yeñgö böröñine öngöma. Miangö aua nalöñan lök kam kuñguza. Enjgö gaun ahöahö nalöñinan mönö teköza.”⁴² Mönö wahötketka anin. Mötket! Mamalolo mem niñgimawi, yañon mönö dowe ki kaza.” Mewö.

Jisös qeraköba memba jöhöget.

Mat 26.47-56; Luk 22.47-53; Jon 18.3-12

⁴³ Jisösnöñ mewö jiba kiniga miangöreñök gwarekurupñi 12 yeñgöreñök kun qetñi Judas yañon kambu kun jitje mem enjiiga kanjotket. Jike nup galöm, Köna keugö böhi aka kantrigö jitñememe yeñon i melaim enjigetka bimgö sou ketañi aka liñgipñini memba kaget.⁴⁴ Mamalolo memangö ahöhi, yañon mutuk yembuk aiwesök keu kewö jöhöba jii mötket, “Nöñon azi numbuñi yöhötüm nemami, i eka ‘Mönö mi!’ jiba memba jöhöba törörök galöm köla anme.”

⁴⁵ Mewö jiba kaba miangöreñök Jisösgöreñ angota “O Böhini!” jiba numbuñi yöhötüm neyök.⁴⁶ Yöhötüm neiga eka Jisös qelanjiba memba jöhöget.⁴⁷ Jöhögetka kösutje kingeri, yeñgöreñök kunñan bimgö sou ketañi öröba jike nup galöm bohonñangö welenqeqeñi qeba kezapñi köteköi erök.⁴⁸ Jisös jöhögetka keu kewö jii mötket, “Ni kegwek-kahasililij azia qahöpmö, töndup nöngöra mewö möta bimgö sou ketañi aka liñgip memba nömemba jöhöbingöra kanjotze.”⁴⁹ Nöñon wehön dop jöwöwöl jikenöñ embuk kinda Buña keu kusum

^r 14.49 Luk 19.47; 21.37

engiba malbiga qahö nömigetmö, yuai ki mönö Buṅa Kimbigö keuṅan ölnṅambuk akṅapakōra asuhuza. ⁵⁰Jisös jöhögetka gwarek yeṅṅon körek Jisös mosōta buratiba unjurata anget. Mewö.

Seguli kunöṅ unjurata anök.

⁵¹Azi gwabö kunöṅ bindoṅi tuatṅanök köpeiba Jisösgö andöṅe wuatṅgōba anök. Opoṅi tosatṅi qahö löṅgōta aniga i esapkōba meget. ⁵²Membingö osiba bindoṅi qekögetka aukṅamṅe unjurata anök. Mewö.

Jikegö jitṅememe yeṅṅon Jisösgö keu nup meget.

Mat 26.57-68; Luk 22.54-55, 63-71; Jon 18.13-14, 19-24

⁵³Jisös jöhōba waṅgita jike nup galöm bohonṅaṅgö mire anget. Angetka jike nup galöm pakpak, kantrigö jitṅememe aka Kōna keugö böhi yeṅṅon miṅgōreṅ anda tokoget. ⁵⁴Angetka Pitönöṅ sikepsikep eṅguatṅgōba jike nup galöm bohonṅaṅgö mire ṅgota jakōmbuak mirigö kiripo uruṅe öṅgöyök. Öṅgōba welenqeṅe azi yeṅgö sutṅine tata könöp kösutṅe jömörök. ⁵⁵Mewö tarökmö, jike nup galöm aka jike kaunsöl kambu yeṅṅon Jisösgö silenöṅ alal keu denöwö naṅgōinga qeget kömumapkö jim jarugetmö, könṅi kun qahö miwikṅaiget. ⁵⁶Jaruba kinda gwötpukṅan keu muneṅi sileṅe ala naṅgōba jigetmö, keuṅinan könṅi mohok qahö ahök.

⁵⁷Mewö aiga tosatṅan wahōta kinda keu muneṅi sileṅe ala naṅgōba kewö jiget, ⁵⁸“Yeṅṅon kewö jiiga mörin, ‘Nöṅṅon jöwöwöl jike börönöṅ memeneṅi ki köndenṅbiga gölmenöṅ eriga wehön karöbutkö uruṅe jike qainṅi kun börönöṅ memeneṅi qahö mi mem wahōta kuṅgumam.’” ⁵⁹Mewö jigetmö, töndup keuṅinan könṅi mohok qahö ahök.

⁶⁰Mewö aiga jike nup galöm bohonṅan wahōta mesohol köl engiba kinda Jisös qesim waṅgiba kewö jiyök, “Yeṅṅon göhö sileṅe keu ala naṅgōzei, miṅgö likeṅṅi kun jiman me qahö?”

⁶¹Qesim waṅgiiga yuai bölöṅi kun qahö ahökmö, töndup likeṅṅi kun qahö melenṅa keuṅi böc kinök. Keuṅi böc kiniga jike nup galöm bohonṅan kunbuk kewö qesim waṅgiyök, “Anutu möpöseim waṅgimakzini, gi yaṅgö Nahönṅi Kraist akzan me qahö?”

⁶²‘Qesim waṅgiiga “Oṅ!” jiba kewö jii mötket, “Suep gölmegö azi ölnṅan mönö kukösum Toṅaṅgö böröṅi ölnṅe tata suepkö kousu qakṅe eri ekṅe.”

⁶³Keu mi jiiga jike nup galöm bohonṅan malukuṅi munjurata kewö jiyök, “Yei, iwinṅaṅgö jitṅi! Tosatṅan keuṅi naṅgōmegōra kunbuk qahö qesim engibin. ⁶⁴“Anutu mepaiközawi, mi mönö nanṅinak möt teköze. Miṅgōra denöwö mötmörize?” Mewö qesim eṅgiiga yeṅṅon körek Jisös kömupkö buṅaya akṅapakōra jim teköget.

^s 14.58 Jon 2.19 ^t 14.62 Dan 7.13 ^u 14.64 Lew 24.16

⁶⁵Mewö jim teköba tosatņan könahiba söutkölap miriba jemesoholņi esuhuba böröņinan misiba qeba kewö jiget mörök, “Daņön guhuzawi, mi ölop jinöņ mörin.” Jikegö kiripo galöm (sikiriti) yeņön mewöyök Jisös memba nuņgulumņe qekötahöget. Mewö.

Pitönöņ Jisös qaņ kölök.

Mat 26.69-75; Luk 22.56-62; Jon 18.15-18, 25-27

⁶⁶Nalö miangöreņ Pitönöņ kiripo uruņe sombemnöņ malök. Emu maliga jike nup galöm bohonņangö welenqege ambiņi kunņan miangöreņ kaņgorök. ⁶⁷Kaņgota Pitönöņ könöp kösutņe jömöri ehiba kewö jiyök, “Gi mewöyök Nazaret azi Jisös miambuk malnöņ.”

⁶⁸Mewö jiyökmö, Pitönöņ qaņ köla kewö jiyök, “Keu jizani, mi qahö möta köndatzal.” Mewö jiba kiripo naņguņe geiga kinda kuruk qerök.

⁶⁹Naņgunöņ geiga welenqege ambi kunņan i miangöreņ kunbuk eka azi kösutņe kingeri, i könahiba kewö jii mötket, “Azi kiaņön mönö yeņgöreņök kun akza.”

⁷⁰Mewö jii mötketmö, yaņön kunbuk qaņ kölök. Qaņ köliga nalö borom kun teköiga azi kösutņe kingeri, yeņön kunbuk Pitögöra kewö jiget, “Göņön Galili azia kun akzanaņgöra mönö alakņa, yeņgöreņöhök kun akzan.”

⁷¹Mi möta könahiba nanņi qesuahöm aņguba jöjöpaņ keunöņ jim köhöiba jiyök, “Azi keuņi jizei, mi qahö möt waņgizal. Muneņ jibileņak ewö, Anutunöņ mönö likepņi meleņ niņgima.”

⁷²Mewö jiba kiniga miangöreņök kuruk qeri yahöt ahök. Kuruk qeriga Jisösgö keu kewö jii möröhi, Pitönöņ mi mötmöriyök, “Göņön indimņi karöbut qaņ köl niņginöņga kuruknöņ qeri indimņi yahöt akņa.” Keu mi mötmöriba wösöņi julmamgö aiga sahöt böliyök. Mewö.

Jisösnöņ premiö Pailötkö jeņe kinök.

Mat 27.1-2, 11-14; Luk 23.1-5; Jon 18.28-38

15 ¹Miri giaņiiga amandije jike nup galöm, kantrigö jitņememe (70), aka Köna keugö böhi aka jike kaunsöl pakpak yeņön kot öņgöņgöņi miangö totoko ala Jisösgö keu jim teköget. Jim tekögetka Jisös jöhöba waņgita premiö Pailötkö böröņe alget. ²Rom premiö yaņön Jisös kewö qesim waņgiyök, “Ölņa, gi Juda yeņgö kiņa akzan me qahö?” Qesim waņgiiga Jisösnöņ meleņda jii mörök, “Möno nangak jizani, mewö.”

³Jike nup galöm yeņön keu gwötpuk Jisösgö sileņe ala jiget. ⁴Jigetka Pailötnöņ Jisös kunbuk qesim waņgiba jiyök, “Mötnöņ! Yeņön keu gwötpuk göhö silege ala jizei, göņön miangö likepņi kun jiman me qahö?”

⁵Mewö jiyökmö, Jisösnöņ bölöņi kun qahö ahökmö, töndup keu kitipņi kunbuk qahö meleņnök. Keu bök kiniga premiönöņ welipköyök. Mewö.

Pailötnöŋ Jisös kömumapkö jim teköyök.

Mat 27.15-26; Luk 23.13-25; Jon 18.39–19.16

⁶Yambu (yara) dop pasowa sösöŋgai nalöŋe premiönöŋ kösö mireyök azi kun qetŋi qeta qesigeri, mi pösat eŋgizapma. ⁷Nalö miangöreŋ azi kun qetŋi Barabas qetkeri, yaŋön kösö mire tarök. Yaŋön kegwek-kahasililiŋ azi tosatŋi yembuk karim gila azi kun qeget kömuyöhi, miangöra kösö mire al eŋgiget. ⁸Mewö aiga könagesö yeŋön premiögö miri sombemŋe eu öŋgöba kinda könahiba akŋalöhaŋgö dop akŋapkö qesim waŋgiget. ⁹Qesim waŋgigetka melenŋa kewö jii mötket, “Nöŋön Juda eŋgöreŋ kiŋ pösatpi etmapkö mötze me?” ¹⁰Jike nup galöm yeŋön Jisösgöra körögisigisi mötkeraŋgöra aka i premiögö böröŋe al waŋgiget. Mi möta sihimŋinaŋgö mewö qesim eŋgiyök.

¹¹Qesim eŋgiiga jike nup galöm yeŋön ambazip kambu uruesiesi mem eŋgiba kewö jiget, “Mönö Jisös mosöta Barabas pösatman! Mewö qesim waŋgime.” ¹²Mewö jigetka kunbuk melenŋa qesim eŋgiyök, “Mewö jizeaŋgöra Juda eŋgöreŋ kiŋ qetŋi mewö qerakzei, nöŋön mönö i denöwö ak waŋgibileŋak?”

¹³Mewö qesim eŋgiiga kunbuk qetket, “Mönö maripomnöŋ qeget jiman!”

¹⁴Mewö qetketka Pailötnöŋ kewö jii mötket, “Mi wuanöŋgöra? Yaŋön mönö wani bölöŋa ahök?” Mewö jiyökmö, yeŋön mi möta kapaŋ köla toroqeba qet gigilahöba kewö qetket, “Mönö maripomnöŋ qeget jiman!”

¹⁵Mewö qetketka Pailötnöŋ ambazip kambu sihimŋinaŋgö dop akŋamgö möta Barabas pösat eŋgi erökmö, Jisösyia jiiga ihilek wahiŋambuknöŋ qeyöyaköba qeget. Mewö qegetka maripomnöŋ gemegöra Rom yarö azi yeŋgö böröŋine alök. Mewö.

Jisös kukulömbuaŋ ak waŋgiget.

Mat 27.27-31; Jon 19.2-3

¹⁶Yarö azi yeŋön Jisös waŋgita premiögö jakömbuak mirigö kiripo uruŋe aŋgotket. Aŋgota yarö kambu lökŋanök öröm eŋgigetka miangöreŋ kaget. ¹⁷Kaba maluku pisikŋi gugakgugak mi Jisösgö sileŋe löŋgöt waŋgiba sötman kösö limbiŋda ila ewö nööröpŋe kölget geyök. ¹⁸Mewö geiga könahiba waikŋi memba jölöŋi jiget, “Owe owe, Juda yeŋgöreŋ kiŋ, owe!” ¹⁹Titipepe mewö aka jigetka jehotnöŋ nööröpŋe qeba söutkölap qeba simin köl waŋgiba sipköba möpöqöpösei munenŋi mem waŋgiget. ²⁰Mepaqepaik mewö ak waŋgim teköba maluku pisikŋi gugakgugak mi qeköba nanŋe sile esu löŋgöt waŋgiba maripomnöŋ qebingöra waŋgita anget. Mewö.

Jisös maripomnöy qeget.*Mat 27.32-44; Luk 23.26-43; Jon 19.17-27*

²¹ʷAnda köna namnje azi kun qetnji Saimon miwiknjaiget. Yanön Afrika siti qetnji Sairini miangö aziña aka Aleksander aka Rufus yetkö iwinjira. Yanön nupnöhök kanjoriga kunjum wanjigetka Jisösgö maripomnji memba anjuyök. ²²Jisös mewö wanjita gölme kun qetnji Golgota mi nanine keunöy nöröp sihit, miangörey anda anjotket. ²³Angota wain o aka marasin qetnji mör mi mindiriba lolonqalony memba wanjigetmö, Jisösnöy mi tököyök. ²⁴ʷTököiga kinda maripomnöy qeget. Qeget kiniga kiawen meget qötöni ahuiga Jisösgö sile esunji mohok mohok sutjine miangö dop mendenja meget. ²⁵Söjan 9 kilok miangörey maripomnöy qeget. ²⁶Maripomnöy qeba nöröpne eu qegerangö könañi kewö ohoba qeget, “Juda yengö kiñ kembuñina ki.” ²⁷Kegwek-kahasililij azi yahöt mewöyök yambuk maripomnöy etkuget. Kun böröñi ölje kun qaniñe likeplikep mewö etkuget. ²⁸ˣ(Anutugörey Buña Kimbinöy keu kewö ohoget ahöza, “I kewöta kegwek-kahasililij azi ewö mötmöröba yengö sutjine alget.” Keu mianjön mewö ölñambuk ahök.)

²⁹ʷAmbazip onjita anda kaba kukulömbuan aka jelikit aka nöröp köla kewö jiget, “Yei! Gi mönö jöwöwöl jike ölop köndenönjga gölmenöy eriga wehön karöbutkö uruñe kunbuk mem wahöt kunjumangö jinöy. O, gi azi qetpuk! ³⁰Mönö nangi bauköm anjuba maripomnöhök etman.”

³¹Jike nup galöm aka Köna keugö böhi yenjön mewöyök sutjine mepaqepaik ak wanjiba jiget, “Tosatña bauköm enjiba malökmö, nanñi bauköm anjumangö osiza. ³²Yanjön Amötqeqe Tonji Kraist aka Israelgö kiñ akza ewö, mönö döлки maripomnöhök eri eka mi möt naribinak.” Mewö jiget.

Azi yambuk maripomnöy etkugeri, yetkön mewöyök uruqeqe keu töhörey jim wanjiyohot. Mewö.

Jisösnöy kömuyök.*Mat 27.45-56; Luk 23.44-49; Jon 19.28-30*

³³Silim bibiñi 12 kilok aiga miangörey söñaupnöy eta gölme pakpak dop köla ahöiga anda aua karöbutkö dop ahök. ³⁴ˣJisösnöy 3 kilok miangörey nanñe keunöy kewö qet ketanji qerök, “Eloi, eloi, lama sabaktani?” Mi nanine keunöy: Anutuni, Anutuni mönö wuanöngöra andö nuñguzan?

³⁵Mewö qeriga azi kösutñe kingeri, yengöreyök tosatñan mi möta jiget, “Mötket! Mönö Elaijagöra qetza.” ³⁶ˣYengöreyök kunöy ösumñan

˰ 15.21 Rom 16.13 ˱ 15.24 Sum 22.18 ˲ 15.28 Ais 53.12 ˳ 15.29 Sum 22.7; 109.25;
Mak 14.58; Jon 2.19 ˴ 15.34 Sum 22.1 ˵ 15.36 Sum 69.21

anda mömöndö kun kahali tandök mi memba wain o asölhambuknöñ kundumgöba ip göröm kitipnje jöhöba suruba Jisös numbu susuje eu ali neiga jiyök, “Mönö mosötketka nanjök kinök. Elaijanöñ kaba meköi etma me qahöpto, mönö mi ekin.”

³⁷Mewö aketka Jisösnöñ qet ketanji qeta wösöñi nöñ qeiga kömuyök.

³⁸^bKömuiga mianggöreñök jöwöwöl jikegö uruje opo kinöhi, miangön mönö euyök bibiñe jurata eta yahöt ahök. ³⁹Suahö galömnöñ maripom mesohol köla kinda Jisösnöñ wösöñi nöñ qeiga kömuyöhi, mi eka kewö jiyök, “Azi kianjön mönö ölna Anutugö nahönja akza.”

⁴⁰^cAmbi tosatjan mewöyök sikep kinda yuai mi eket. Yeñgö sutjine Magdalagö Maria aka Maria Jeims dubatnji aka Joses yetkö namjiri aka Salome yeñön mohotnje kinget. ⁴¹Yeñön Jisösnöñ Galili prowinsnöñ maliga mianggöreñ i wuatangöba welen qem wangiba malget. Mewöyök ambi tosatnji gwötpuk Jisösbuk Jerusalem sitinöñ öngöba kageri, yeñön mewöñanök kösutje kinget. Mewö.

Jisösgö qamötñi löm kölget.

Mat 27.57-61; Luk 23.50-56; Jon 19.38-42

⁴²Sabat kendon tatatköra yuai mözözömgögetka Sabat kendonöñ könahimangöra dopdowiiga mare aka kayök. ⁴³Nenggie mianggöreñ Arimatia tonji, azi qetbuñangbuk qetñi Josef yanjön kayök. Yanjön mewöyök Anutu bemtohoñangö ölni asuhumapköra mamböta malök. Yanjön Juda yeñgö jike kaunsöl kambugö jitjememe kun aka Sabat kendonöñ könahimangö ahörañgöra aka keñgötñi yaköriba Pailötköreñ anda Jisösgö qamötñi memangö qesiyök. ⁴⁴Qesiiga “Ölna kömuza me qahöpto?” jiba mötmöriba suahö galömñi jii kaiga “Jisösnöñ nalö köröpñi me töröpñi kömuza,” jiba qesim wangiyök. ⁴⁵Qesim wangiiiga buzup keunji möta Jisösgö qamötñi Josef jim teköm wangiyök. ⁴⁶Jim teköm wangiiiga opo tuatñi söngöröñi memba anda qamötñi maripomnöñök qeköba memba eta oponöñ esuhuyök. Esuhuba memba qaksirinöñ anda kötnöñ köteñ urorohogetka dum ahöyöhi, mianggöreñ alök. Ala köt kötanji kun metaliga köteñ numbuñi közipköyök. ⁴⁷Denike alöhi, mi Magdalagö Maria aka Maria Josesgö namñi yetköñ kinda ehot. Mewö.

Jisösnöñ kömupnöñök wahörök.

Mat 28.1-8; Luk 24.1-12; Jon 20.1-10

16 ¹Sabat kendon tatket teköiga mianggöreñ Magdalagö Maria, Maria Jeimsgö namñi aka Salome yeñön “Jisösgö qamötñi anda miribin.” jiba jiniñ jimoroñ umköhöwawakñambuk söngöröñi meget. ²Memba ahöba Sonda söñanök wahöta miri gianji wehön jilinjölañ kori

^b 15.38 Eks 26.31-33 ^c 15.40-41 Luk 8.2-3

qaksirinön anget. ³Anda eraum möta jiget, “Qaksirigö numbuje köt ketañi tatzawi, mi mönö dañon qetalma?” ⁴Mewö jiba ugetka ani kewö eket: Köt keta bölökñi mi lök qetalget anda ahöyök. ⁵Qaksirigö köt kötenj numbuñi mewö añañiba kiniga uruje öngöget. Öngögetka öljine göröken azi gwabö kun malukuñi köröpñi tuatñi tariga eket. Mewö eka gwötpuk awöwöliget.

⁶Awöwöligetmö, kewö jii mötket, “Mönö keñgötñini kude mötme. Iñini Nazaret azi Jisösgöra jaruze. I maripomnöñ qegetmö, mönö guliba wahörök. Miangöra ki kude ahöza. Eket! Dumñi ki, miangörej suluget ahöyök. ⁷Miangöra mönö anda Pitö aka gwarekurupñi pakpak buzup kewö jiget mötme, ‘Yañon mönö qeljiñe mutuk Galili prowinsnöñ anma. Iñini mewöyök miangörej anda keuñi jiyöhañgö dop i ekñe.’”

⁸Mewö jiiga auruba jöñömñini unduiga köt kötenjök eta ösumñinan anget. Sömbuñini mötkerañgöra keu kun kude jigetmö, keuñini bököyök. Mewö.

Jisösnön Magdalagö Mariagörej asuhuyök.

Mat 28.9-10; Jon 20.11-18

⁹Jisösnön Magdalagö Maria yañgö urujeyök öme 7 enguatangöiga malök. Jisösnön kömupnöñök wahöta Sonda söñan amandiñnöñ mutuk Maria mi asuhum wañgiyök. ¹⁰Asuhum wañgiiga alaurupñan Jisösbuk mala kota nalö miangörej jingej köla sahötkeri, Marianön mönö yengörej anda buzupñi jii mötket. ¹¹Mötketmö, Jisösnön guliba mali Marianön ehöhi, mi qahö möt nariget. Mewö.

Jisösnön alayahötñi yetkörej asuhuyök.

Luk 24.13-35

¹²Miangö andöñe alayahötñan Jerusalem siti mosöta miri kunön anbitköra könanön anohotka Jisösnön kaisongolomñan meleñniga asuhum etkiyök. ¹³Yetköñ mewöyök anda buzupñi mi alaurupñi jiyohot mötketmö, yeñon mi mewöyök qahö möt nariget. Mewö.

Jisösnön gwarekurupñi asuhum enñiyök.

Mat 28.16-20; Luk 24.36-49; Jon 20.19-23; Apo 1.6-8

¹⁴Könañgep gwarekurupñi 11 mienön tokoba nene nemba tatketka yengöra mewöyök asuhuyök. Asuhuba uruköhöikñinañgöra tembula kömupnöñök wahöriga ekerañon buzupñi jiget möta mi qahö möt narigeri, miangöra i jim enñiyök. ¹⁵Jisösnön kewö jii mötket, “Iñini mönö kantri dop anda gölmeñi gölmeñi liliköba ambazip mal anjeañgö dop Ölöwak Buñani jim asarigetka mötme. ¹⁶Kunñan Anutu möt nariiga

^d 16.7 Mat 26.32; Mak 14.28 ^e 16.15 Apo 1.8

o melun mem wan̄gigetka urūji melen̄mawi, yān̄ön mönö letota Suepkö būyaya ak̄ja. Kun̄jan qahö möt nariba yāngisēn malmawi, Anutunȫn mönö yāngö keūji jim teköiga könöp siagö būyaya ak̄ja. ¹⁷Möt narim nīngiba malmei, mi aiwesök mem en̄gibiga kön̄ājam̄jini kewö asuhuma: Yēn̄ön nȫngö qetne ömewöröme en̄guatan̄göme. Kantri tosat̄ji yēngö keūjini jime. ¹⁸Mokolēn börȫjinan memba wahötme. Möröm warabe o yuai negetka miān̄ön mönö qahö mem bölim en̄gima. Börȫjini kawöl ambazip qak̄jine algetka ölöwak̄je.” Mewö.

Jisösnȫn Suep mire ȫngöyök.

Luk 24.50-53; Apo 1.9-11

¹⁹fKembu Jisösnȫn keūji mewö jii mötkētka Anutunȫn wan̄giriga Suepnȫn ȫngöba Anutugö börȫni ȫl̄je tata malja. ²⁰Eu maljapmö, gwarekurup̄jan mosöta miri gölme dop anda Būja keūji jim sehiba malget. Mewö malgetka Kembunȫn yembuk nup memba inahöm en̄giiga āngöletot asuhugetka keūjinan köhöyök. Mewö.

^f 16.19 Apo 1.9-11